

TSHO TALUSWAHO

TSHIFANYISO TSHO

VULEDZEAHO TSHA MUDZIMU

 Ndo livhuwa, nga maandesa, mukomana. Billy u nkhou toda ndi tshi amba uri holwu ndi lwanga lwa u thoma kha phuluphithi, kha miñwedzi miraru. Huno u... Ndi a humbula lwa u thoma ndi tshi vha nae, a tshi t̄anziela, o ri, "Tshithu tsha u thoma, ndi a ofha." Na nne, ndi a ralo. Kha miñwaha i no todou swika ya furaruthanu kha vhushumeli, huno itshi ndi tshifhinga tshilapfu tshe nda t̄utshela kule ha phuluphithi tshe nda vha kha vhushumeli. Ndo ̄oda vhuawelo vhūuku, ngauralo Mukomana Mosley na nne, na vhañwe vha vhakomana hafha, ro vha ri lwondoni lūuku lwa u zwima. Huno ro awela zwino. Huno uyu ndi muñangano wanga wa u thoma u bva tshe nda...nga la u thoma la Khubvumedzi. Huno ndi tshiñwe tshithu...vhushumeli ndi tshiñwe tshithu tshire na tea u nga ni a dzula natsho.

² Huno zwino ndo vha humbela u dzima iyo fene, kana u vhona arali vha tshi nga i bvisa, ngauri ndi a ñivha uri zwi a kond̄a u pfa. Huno zwi a kond̄a, ndi a ñivha, musi muñwe muthu a tshi khou ñea vhuñanzi havho. Zwo vha zwi tshi nkondela u vha pfa. Naa ni a kona u pfa zwavhuði zwino? Zwo naka. Ndi a ñivha u nga ndi ima tsini ha iyi khudzaipfi u swika vha tshi dzudzanya izwo.

³ Hezwi zwi tou vha u—u tondwa vhukuma kha nne, huno ndi—ndi a livuwa kha muhulwane, na kha ndima ya Vhanna vha Vhubindudzi ha Mafhungo-madifha o Fhelelaho hafha Yuma, na vhashumeli vhothe. Havha vhaimbì vhabhuði hafha, vho vha vhe ñtha hafha tshifhinganyana tsho fhiraho, ndi do takalela u vha pfa kha—kha muñangano. Izwo zwo vha zwi zwavhuði nga maanda. Ndo—ndo tou mangala, musi vho vha vha tshi khou imba, arali Yohane o mmbona. Huno ndi a fhulufhela uri o ralo. Huno, ngauralo, ndi pfa uri ni kha mvuseledzo hafha. Murena a ni fhañtshedze lwa u tou pfumisa, mukomana na khaladzi, sa vhoinwi vhashumeli. Huno kha khonani dzanga dzoþe ngei Phoenix na fhethu ho fhambanaho, hune ha vha...na u bva ngei California.

⁴ Huno ndi khou ̄oda u tou amba ipfi nga ha ndima. Musi ndi tshi ða kha vhatu vha Pentekostala, ndo vha...ndi na tshenzhemo tsha pentekostala, ndi sa ñivhi uri ho vha hu na

tshivhidzo tsha Pentekostala. Ndo vha ndi Mubaphuthisi wa Vhufunziruňwa zwenezwo. Ndo ḥanganedza ndovhedzo ya Muya Mukhethwa, huno nda wanulusa uri ho vha hu na vhaňwe vhathu vhe vha tenda tshithi tshithihi tshe nda tshi ḥanganedza. Huno vho zwi ḥanganedza miňwaha ya fuňa ndi sa athu u i wana. Ngauralo ndo vha ndi tshi tou vha muňwe, vhunga Paulo o amba, ndi a tenda, hu si u lingedza u amba nae, fhedzi zwi nga “muthihi o bebwaho nga nnđa ha khalaňwaha.” Fhedzi yone... Vhakomana vhanga vha elekanya uri ndo bva, u yesa kha liňwe sia, vhunga ri tshi zwi dza. Fhedzi ndo—ndo zwi ḅivha uri ndo ḥanganedza tshiňwe tshithu. Zwenezwo, tshenzhemo tshanga tsho vha tshi tshi tou nga vho vha natsho heneffho. Huno iyo ndi ndila ine nda zwi takalela izwo.

⁵ Huno, fhedzi musi ndi tshi da vhukati havho, tshi—tshipida tshi khaulaho mibil nga hazwo, Ndo wana uri vho vha vhe tsini na u kwashekana, kha dinomineisheni dzo fhambanaho, sa zwe tshivhidzo tshanga tsha Baphuthisi tsha vha tshi zwone. Huno vha...ndo elekanya uri ho vha hu na muňwe we a vhidzwa Pentekoste, huno uyo o vha e zwone. Fhedzi, vha da u wanulusa, ho vha hu na dinomineisheni dzo fhambanaho dzavho. Ngauralo, ndi...vhothe vho vha vhe vhavhuđi. Ndi ḅivha vhaňwe vha vhanna vhavhuđisa vhe nda vhuya nda ḥangana navho, vhatshiloni hanga, vho vha vhe kha izwi zwigwada. Huno vho vha vhe—vho vha, a hu na zwiňwe, dinomineisheni dzo fhambanaho. Huno muhumbulo wanga—wanga wo vha u wa uri ri tea u vha vhatshi mbiluni, na Kristo, nahone a tho ngo vhuya nda vha murado wa iřwe dinomineisheni yavho. Ndo tou dzula vhukati havho, huno ndi tshi khou lingedza u fara zwanda vhuvhili hazwo, na zwanda zweithe, huno nda ri, “Riňe ri vhakomana.” A ri... Ri nga vhona zwithu zwitšuku two fhambanaho kha muňwe, u bva kha muňwe. Fhedzi, nga nnđa ha izwo zweithe, ri kha di vha vhakomana, ngauri ro bebwa nga wonoyo Muya muthihi. Ri muňa wa Mudzimu.

⁶ Zwenezwo musi vhoramabindu vha Vhakriste, Vhanna vha Bindu vha Mafhungo-mađifha o Đalaho, iyi ndima, ndo vha ndi vhukati ha miňangano ya u thoma na Mukomana Shakarian. Ndo mu ḅivha hu sa athu vha na dzangano, kana madzangano a tshi vhewa. Nda elekanya uri tsho vha tshi tshithu tshihulwane. Huno ho vha muňango wo vuleaho wanga, u enda mashangodavha na avha Vhanna vha Bindu vha Mafhungo-mađifha o Đalaho.

⁷ Hune, nga tshiňwe tshifhinga, uri ni wana tshigwada tsha vhashumeli, nga tshiňwe tshifhinga, vha wana vhuđipfi vhuťuku vhu hanedzanaho na tshiňwe tshigwada, ngauri muňwe muthu o amba tshiňwe tshithu. A si huňwe na huňwe, fhedzi ri zwi wana kha vhathu vha hayani. Huno vhunga, arali tshiňwe tshivhidzo tshi tshi khou yo tshi tikedza, tshiňwe a tshi nga vhi na mushumo natsho.

⁸ Fhedzi kha Vhanna vha Bindu vha Mafhungo-madifha o Dalaho, ho vha muñango wanga wo vuleaho. Musi vha tshi džhena ngomu, zwenezwo ndi kuvhanganya vhakomana vhanga vhothe fhethu huthihi, huno ri—ri nga shumisana; khamusi vhafunzi vhavhili vha nga di vha vho vha na vhudipfi, kana tshiñwe tshithu. Uyu wo vha muñango muhulwane wo vuleaho, huno ndo enda mashango-davha u itela vhone zwino lwa miñwaha, ndi tshi khou amba khuvhanganoni dzavho.

⁹ Huno ndi... Yuma a si dorobo khulu, naho ndi tshi dzhia uri ndi khulwane nga maanda u fhira iyo ine nda bva khayo, Jeffersonville, Indiana. Fhedzi ndo tangana na mudzulatshidulo wañu hafha. Yone...o vha e...huno vho fhambanaho vha ndima yanu. Huno ndi elekanya uri ni na tshikhala tshi mangadzaho hafha.

¹⁰ Ndo vha ndi tshi khou tou elekanya, madekwana a ñamusi, musi ndo dzula hafha huno nda sedza vhathu. Ni a ñivha, ri khou ya u fhelelwa nga hei ndugelo. Khoro ya Shango ya Zwivhidzo i ðo ri mila hu si kale. Ndi dzhia uri vhunzhi ha vhathetshesi vhanga madekwana a ñamusi vho vhumbiwa nga Vhapentekostaña, na Vhabaphuthisi, na—na Tshividzo tsha Mudzimu, na avho vha re nn̄da ha iyo Khoro ya Lifhasi ya Zwivhidzo. Huno—huno vhone, izwo zwi tou vha zwe vha tamba ngazwo, huno izwo ndi zwe Biyhilli ya amba uri vha do ita. Huno ro tsivhudzwa nga hezwo, ngauralo kha ri dzule ri khagala khazwo. Huno ngauralo sa zwe zwa vha zwi tshi khou amba madekwana a ñamusi nga hazwo, kha luimbo, nga ha u Da ha Murena hu re tsini, hu nga di vha tsini u fhira zwine ra elekanya uri ndi zwone.

¹¹ Huno ndi elekanya uri ndi musi ri tshi nga vha fhethu huthihi na ulu lushaka lwa vhutama, tshi ita tshiñwe tshithu kha riñe, tshire tsha ri kokodzela tsini-tsini. Huno musi ri tshi sendela tsini, na riñe-vho ri swika tsini ha Mudzimu, ngauri Yesu o ri, “U swika heneffo he na itela vhañku vha avha vhañku Vhanga, no zwi ita kha Nñe.”

¹² Ndi na mutukana muñuku ngomu hafha huñwe fhethu, ndi a kholwa, Joseph. Ndi na Billy o dzula heneffha. Vhananyana vhavhili vho dzula murahu heneffho, na mufumakadzi. Zwino arali muñwe muthu o vha a na tshiñwe tshithu tshe tsha vha tshi...no vha ni tshi khou ñoda u ita zwa vhudi, Ndi nga lamba nda vha na inwi ni tshi khou zwi itela vhananga u fhira u itela nne. Huno ngauralo ndi pfa uri khamusi, sa mubebe, nahone U tshiko tsha u vha mubebe, ndi elekanya uri iyo ndi ndila ine Mudzimu a di pfa ngayo. Arali ri tshi tea...Ri a Mu shumela musi ri tshi khou shumelana. Iyo ndi ndila ine ra shumela Mudzimu ngayo.

¹³ Huno ri tshi ñivha uri izwi ndi ngoho, zwenezwo ndi elekanya uri tshifhinga tshothe heyi ndima i tshi tangana, i tshi vha yo ima

vhuivangeli ho katelaho . . . A hu na iñwe pfunzo zwavhukuma ine Vhanna vha Vhubindudzi ha Mafhundo-madifha o Fhelelaho vha imela. Vha tou imela Mafhundo-madifha o fhelelaho. Huno arali munna a tshi fhambana, izwo zwo luga tshoþhe. Zwo luga. Ri na vhuþama, naho zwo ralo. Ngauralo ndi elekanya uri zwi do vha . . . Arali ndo tshila fhano mudini uyu, ndi a tenda, musi iyo ndima yo þangana, arali ho vha hu na khonadzeo, ndo vha ndi tshi ðo vha heneffo huno nda vha na muñwe na muñwe ane ndi nga mu wana heneffo. Izwo ndi zwone, ngauri ndi tshi—ndi tshithu tshine tsha ri hanyisa roþhe.

¹⁴ Ndi dzula Tucson, huno nñe ndi khou amba ndi sa fhidzi kha iyo ndima, tshifhinga tshoþhe. Huno ngei Phoenix, u bva tshe nda pfulutshela Arizona, ndi Phoenix tshifhinga tshoþhe musi ndi tshi wana tshikhala tsha u þuwa nahone nda swika—ngei Phoenix, ngauri . . . huno nda lingedza u disa muñwe muthu na nñe, ra ramba muñwe muthu, ra wana vhañwe vhashumeli.

Huno ha pfi, “Zwo luga, zwo ralo, ni a vhona, Mukomana Branham, a ri ralo.”

¹⁵ Ndi ri, “A zwi na ndavha uri ni . . . Kha ri þuwe na nñe. Tshimbilani sa—sa khonani, na nñe.”

¹⁶ Huno itonu vha wana heneffo lwa tshifhinganyana. Ndi zwenezwo fhedzi zwine na tea u ita. Huno vha a wanulusa, mbilu ya muthu muñwe na muñwe i na ndala ya vhuþama. Huno ri tea u vha ri tshi khou ita nga iyo ndila. Ndi tshiga tshihulwane tsha tshifhinga tsha vhufhelo. Mudzimu fhaþutshedza iyi ndima. Ngavhe i—ngavhe i tshi tshila u swika Murena Yesu a tshi ða u ri þanganedza nþha ngei Vhugalani, ndi thabelo yanga.

¹⁷ Zwino, ndi elelwa lwendo lwanga lwa u thoma nga kha la Yuma. Ndo vha ndi kha Model-T Ford ine ya kona u ita maela dza furaru nga awara. Ndo vha ndi tshi khou elekanya musi ndi tshi reila ngomu ñamusi. U kha di fulufhedzea kha Ford; ndo vha ndi kha di vha na iñwe, huno ndi si na tshiñwe tshithu-vho nga nnða ha heyo. Fhedzi ndi . . . Zwino, a thi rengisi Ford. Zwino, izwo a si u khwida uho. Ni a vhona? Fhedzi ndi a elelwa uri iyo Ford yo ralo hani . . . Vhunzhi ha vhoiñwi vharathu vha no þodou lingana na nñe ni elelwa Model-T ya kale T. Iyi yo vha i nga 1927. No ðo tea u vhonala ni wavhudí vhukuma kana no vha ni si nga wani Yuma musi ni tshi fhira. Ho vha hu liþuku nga maanda, huno zwa vhukuma no aluwa. Fhedzi, ndila ye nda gidima maela dza furaru nga awara ya u bva kha Ford yanga, yo tshimbila maela dza fumiþhanu nga awara *iysi*, fumiþhanu thungo *heyi*. Ngauralo, zwi þanganyise, ndo vha ndi na maela dza furaru nga awara, na bambasi dzanga dzoþhe na zwiñwe-vho. Yuma yo aluwa.

¹⁸ Itshi Tshivhidzo tsha vhugala, tshine, ra—ra khou lwela ulu Lutendo lu mangadzaho.

¹⁹ Ndi a ni livhuwa, mukomana, onoyo we a ita hezwo.

²⁰ Tsho aluwa, na tshone-vho, huno ri a livhuwa izwo. Murena a ni fhaṭutshedze noṭhe.

²¹ Ri a fulufhela, arali ni hone u mona, tsini, muñwe wa heyi mitangano... Ndi na—na ndima ngei Phoenix, ya u amba, Swondaha i tevhelaho. Huno Swondaha i no tevhela ngei Flagstaff. Huno Musumbuluwo u no tevhela, nga ḥa fumbilinthihi, ndi tshimima ngei Tucson. Vhoinwi noṭhe ni a rambiwa.

²² Huno, ene Murena a tshi funa, ndi ṭoda u amba ngei Westward Ho Hotel balirumu, ndi a tenda. Naa izwo zwi thoma vhusiku-de? [Muñwe u ri, "Ndi masiari a Swondaha, nga ḥa vhufumisumbe."—Mudz.] Swondaha nga masiari, ya vhufumisumbe, tshumelo ṭhukhu ya vhuevangel. Fulufhela uri havha vhaimbī vha hone, tsini na itsho tshifhinga, uri thusa. Huno ri khou ya u vha heneffo u swika Lavhuraru. Ndi elekanya uri ndi masiari a Swondaha. Huno ri ita hezwo ngauri a ri nga thithisi na mbekanyamushumo dza zwivhidzo na nthihi. Zwenezwo, Musumbuluwo na Lavhuvhili, huno zwenezwo Lavhuraru ri vha kha Ra-...ngei Vhukovhela-... ngei Ramada Inn, Ramada Inn. Huno zwenezwo nga ḥa Lavhuna ri thoma ngei Westward Ho. Naa izwo ndi zwone?

²³ [Mukomana u ri, "Westward Ho, Swondaha, Musumbuluwo, Lavhuvhili. Zwenezwo ri ya Ramada Inn, nga Lavhuraru, huno ra dzula heneffo u swika khuvhangano."—Mudz.] Khuvhangano yo fhela, ngei Ramada Inn. Ngauralo ri ḫo takala u vha na vhoinwi tshifhinga tshiñwe na tshiñwe.

²⁴ Zwino, phanda ha musi ri tshi vula kha ino Bugu, kha ri kotamise ṭhoho dzashu lwa tshikhalyana nahone ri ambe na Muñwali.

²⁵ Zwino, zwifhatuwo zwashu two kotama buseni he Mudzimu a ri dzhia hone, huno, arali Yesu a lenga, ri tea u humela murahu nga iyo ndila liñwe duvha. U tou bva tshe nda vha hafha, ndi na mulaedza u bvaho vhuvaduvha, uri mufumakadzi muñuku a ne nda mu divha... Ndi musidzana muñuku a no pfi Edith Wright. O fhirela phanda u ṭangana na Mudzimu, masiari ano, nga awara ya vhuraru n̄tha ha tshithoma. Ri tea u humela murahu. Arali hu na muñwe fhano ane a tama u elelwa thabeloni, ni nga imisa tshanda tshañu kha Mudzimu. Mudzimu a ni fhaṭutshedze.

²⁶ Khotsi wa Tađulu, vhunga ro qiphina nga maanda nga uvhu vhutama havhudī, ndi tshi khou imba, oo, nga ndila ye zwa nyanyula mbilu yanga musi ndo pfa ulwo luimbo, *Naa Yohane O Mmbona?* Khotsi, ndi a fulufhela uri roṭhe ri ḫo vha heneffo, muñwe na muñwe washu. Huno ro kotama zwino u yela buseni, nahone ri—ri rabela uri U ṭanganedze ndivhuwo yashu—yashu, na tshanduko yashu, na thabelo dzashu u itela muñwe.

²⁷ Huno zwino ri rembulutshela kha Ipfi Lau, tshipida tshikhethwa tsha muñangano tshine tsha vhonala tsho khethea

Iwo engedzeaho u fhira—u fhira zwiñwe zweithe, ngauri ri a divha nga tshino tshifhinga uri ri khou shumana na vhatu, u vha khadela kha Ngoho, kha Kristo na kha Ipfi, line la vha Kristo. Huno ri rabela uri U do ri vulela Ipfi. A—a ro ngo fanelwa, Murena, fhedzi Iwe wo fanelwa tshothe. Ngauralo ndi rabela uri U fhañtshedze vhudidini hashu vhu shayaho nungo, huno ngavhe madekwana a namusi ri tshi diwana na vhuimo hashu kha Ipfi la Mudzimu. Zwi tendele, Khotsi. Huno ri do U nea thendo, ngauri ri a zwi humbelala nga Dzina la Yesu. Amen.

²⁸ Zwino, izwi ndi zwavhuđi vhukuma u vha fhano. Ndi na notsi dzi si gathi hafha dze nda elekanya uri ndi do amba nga hadzo, lwa miniti i si gathi, vhunga ndi sa dzhii uri ri tendelwa u shumisa iyi holo tshifhinga tshilapfusa tsha nga madekwana. Huno ndi nga, na nne-vho, vhukati ha vhatu vha Pentekostala, ndi a ongolowa, ni a divha.

²⁹ Ndi a elelwa. Ndo ni vhudza, khañwe. Musi ndi tshi vhona mushumeli wa Pentekoste lwa u thoma, ho vha hu Vhaf. Robert Daugherty a bvaho ngei St. Louis. Ndi a timatima uri kana muñwe wa vhoiñwi o mu divha. No vhona vhuñanzi ha musidzana wawe muñuku buguni. O vha—o vha . . . O fhodzwa kha St. Vitus dance, huno o vha o latelwa thaula. Huno ndi nga ndila ye nda tangana na vhatu vha u thoma vha Pentekostala.

³⁰ Huno, hezwi, nda ya u mu pfa a tshi rera, huno—huno, nne-nne, o—o vha a tshi kona u funza. O vha a tshi do . . . O vha a sa nga vhuyi a lindela tshithu. Huno o vha a tshi do funza u swika a tshi do baulukana nga muya, huno a dalafhala kha tshifhañtuwo, huno magon a do kuñana, huno kañkuñuku a ñoda u rwa phasi. Huno o vha a tshi fara mufemo wawe, no vha ni tshi kona u mu pfa magumoni a ñorobo phasi henefho, kañkuñuku, a vhuya murahu ñtha a tshi rera. Huno nda elekanya, “Nñennen, a—a thi tou kona u zwi elekanya nga u ñavhanya uho.”

³¹ Ndi tea u tou dzhia tshifhinga tshanga. Ndi a ongolowa, na u aluwa, na nne-vho, ni a divha, zwi khou kokovha, ngauralo ndi fulufhela uri ni do nkondelala lwa miniti i si gathi.

³² Hu na tshithu tshithihi tsha ngoho, tshine nda tshi divha uri a tshi nga kundelwi, huno itsho ndi Ipfi Lawe. “Matañdulu na lífhiasi zwi do lovha, fhedzi Ipfi Lawe a lí nga kundelwi.” Ngauralo kha ri vule zwino, arali ni na Bivhili yañu, huno ni tshi takalela u vhala Khayo, Buguni ya Yesaya, ndima ya vhu53 ya Yesaya. Ndi do takalela u vhala hezwi u itela fhedzi u fhañta, nda wana ñinwalwa la u fhañta mutumbu khalo, lwa tshifhinganyana.

Naa ndi nnyi we a tenda muvhigo washu? . . . Tshanda tsha MURENA tsho dzumbululeluwa nnyi?

Ngauri u do aluwa phanda hawe sa ñadzwane, huno sa mudzi u tshi simuwa kha mavu o omaho: o vha a si ngo naka, a si na madzanga; huno musi ri tshi do mu vhona, a hu na lunako lune ra nga lu takalela.

O nyadzwa na u naledwa nga vhanna; munna wa maṭungu, . . . mudihwa nga vhulwadze: huno ro dzumbama vhunga zwo vha zwifhaṭuwo zwashu khae; o nyadziwa, huno a ro ngo ri tshithu nga hae.

Zwaghukuma o hwala maṭungu ashu, huno a hwala matħupho ashu: ngeno ro mu ita o didwaho, o rwiwaho nga Mudzimu, na u thuphea.

Fhedzi o rungelwa u pfuka hashu, o pwashekanyelwa vhutshinyi hashu: thamu ya mulalo washu yo vha i khae; . . . nga ntho dzawe ro fhodzwa.

Riñe roṭhe ro vha ri tshi tekateka sa nngu dzo xelaho; Ro sedza muñwe na muñwe kha ndila yawe fhedzi; nahone MURENA . . . a thudzela hone khae vhutshinyi hashu roṭhe.

O shengedzwa, huno o ḥuphea, naho zwo ralo a si vule mulomo wawe: o vha o qiswa sa ngwana u ḥavhiwani, huno sa nngu yo fhumula phanda ha vhavheuli vhayo, . . . ho ngo vula mulomo wawe.

O dzhiiwa sa a no bva dzhele na a bvaho kha khatħulo: huno ndi nnyi a no do qivhadza murafho wawe? ngauri o tumulwa kha shango la vha tshilaho: huno u itela . . . u pfuka mulayo ha vhatħu vhanga o rwiwa.

Huno a ita tshalo tshawe na vhavhi, na vho pfumaho lufuni lwawe; ngauri naho a songo ita vhuvemu, nahone ho vha hu si na vhufhura mulomoni wawe.

Fhedzi zwo takadza MURENA u mu pwashashekana; o mu ḥungufhadza: musi iwe u tshi ita maya wawe mulifho wa tshivhi, u do vhona mbeu yawe, huno a lalama, huno dakalo la MURENA li do andisa zwandani zwawe.

U do—U do vhona u phuluswa ha maya wawe, huno u do fushea: nga ndivho yawe mulanda wanga o lugaho u do ita uri vhanzhi vha luge; ngauri u do hwala vhutshinyi havho.

Ndi do itela zwone ndi tshi mu kovhela vha re vhanzhi, vhahali ndi one mathubwa ane a do kovha one; ngauri o . . . tevhutshela maya wave kha lufu: huno a vhaliwa na vhaitazwivhi; huno a dihwesa zwivhi zwa vhanzhi, huno a pfumelela vhaitazwivhi.

³³ Ndi tou takalela u amba izwi, u itela liñwalwa liñku fhedzi. Ndi takalela u dzhia liñwalwa li bvaho heneffho, sa: *Tsho Taluswaho Tshifanyiso Tsho Vuledzeaho Tsha Mudzimu*.

³⁴ Zwino, izwi zwi do vha zwa vhukuma lone—lone—lone liñwalwa la u vhala, u topola tshifanyiso tsho vuledzeaho. Fhedzi musi ri tshi zwi sedza, vhunga ro vha ri tshi do elekanya, uri izwo zwi do vha tshiñwe na tshiñwe-vho nga nnđa ha tshifanyiso tsho vuledzeaho, ngauri lo ri, “Ro dzumba zwifhaṭuwo zwashu

Khae, huno ho vha hu si na lunako lwa uri ri nga Mu takalela.” Huno zwifhinga zwinzhi, zwine ra do zwi vhidza tshifanyiso tsho vuledzeaho, musi Mudzimu a si na mushumo nazwo. Ngauri, vhuṭali ha muthu ndi vhutsilu kha Mudzimu, fhedzi vhutsilu ha Mudzimu ho ṭalifha lwo engedzeaho u fhira vhuṭali hoṭhe ha muthu.

³⁵ Huno ri vhona ngomu hafha, uri Mudzimu o ri nea tshifanyiso tsha tshiñwe tshithu. Ndi do takalela u lingedza u disa itshi tshifanyiso phanda hashu, vhunga ndi tshi limuha uri hu nga di vha tshifhinga tsha u fhedzisela tshine vhañwe vhashu vha vhuya vha ṭangana fhethu huthihi. Zwi nga itea ra si tsha vhonana hafhu sa zwine ra vha zwone zwino. Ngauralo-ha, arali ro kuvhanganelia iyi ndivho, hu si u vhonwa kana u pfiwa . . .

³⁶ Fhedzi ro vha na vhuledzani hashu nga tshashu vhunga ro avha hezwi zwiliwa zwavhuđi madekwana a ńamusi, u budekanya ṭafula, vhunga ro kanzwa mivhili yashu ya ńama, huno zwino ri do takalela Mudzimu a tshi kanzwa myua washu nga Mana Yawe yo dzumbiwaho. Kha havho vhotshifhe vhe vha dzhena fhethu Hukhethwa-khethwa vho tendela u la Zwiliwa Zwawe.

³⁷ Huno arali ra dzhieila nzhele, madekwana a ńamusi, tshashu—tshashu tshiṭeki, A thi tendi uri ndo no vhuya nda vha na tshi—tshimima, fhethu hoṭhe he nda fara miṭangano, vhunga madekwana a ńamusi, uri ndo vha na tshipida tshavhuđi nga maanda tsha tshiṭeki musi vha tshi avha madekwana a ńamusi. Zwino, ni a vhona, ngauri ro do tea u vha na hezwi; arali ra tshila, tshiñwe tshithu tsho do tea u fa uri ri kone u diphina nga tshino tshifhinga tsha vhuṭama, huno ra vhulunga matshilo ashu.

³⁸ Ndo vha ndi tshi khou amba na munna we a vha e muli wa zwimela, zwi si zwa kale-kale, huno o ri kha nne, “Zwo luga, a—a thi tendelani na iwe.” Zwo luga, o—o nga u a nne luňwalo, a ḥoda u ṭangana na nne lwa tshidzumbe. Huno a ri, “Mukomana Branham, ndi dzulela u ni dzhia sa munna mukhethwa.” A ri, “Fhedzi musi ndi tshi ni pfa uri no vha na nguluvhe na makumba u itela vhuragane,” a ri, “hezwo—hezwo a zwo ngo mpfara zwavhuđi.”

³⁹ Zwo luga, izwo, ndi nga si vheye tshikhukhuliso ndilani yawe. Zwino, iyo ndi ndila yawe ya u tenda. Fhedzi nda ri, “Zwo luga, muñe wanga, arali ndi sa li, a thi tshili.”

⁴⁰ A ri, “Fhedzi, ni a vhona, no do tea u la nguluvhe ya mboho, huno—huno na vhulaha khukhwana.”

⁴¹ Nda ri, “Muñe wanga, ri tshila fhedzi nga tshithu tsho faho. A thi londi zwine na la. Ni la zwimela. Ni la. Ni la vhurotho, gorou yo fa. Arali na la mavhele, mbeu ya fa. Arali na la ńawa, muñawa o fa.”

⁴² Tshiñwe na tshiñwe tshine na la, ni nga kona fhedzi u tshila lwa ńama ngauri tshiñwe tshithu tsho fa uri ni kone u tshila.

Zwino, tshiñwe na tshiñwe tshine na ita, na nwa mafhi, zwitzhili, tshiñwe na tshiñwe, ni tea u tshila nga tshithu tsho faho. Huno zwi ya fhedzi u sumbedza, arali ri tshi tea u tshila uvhu vhutshilo ha mvelo, huno ra kona fhedzi u vhu ita nga tshithu tsho faho, tshiñwe tshithu tsho *do* tea u fa uri ri kone u tshila lwa U Ya Nga Hu Sa Fheli. Uyo ndi Yesu Kristo, we Mudzimu a ri ɳea sa tshipfumelelo.

⁴³ Huno zwino, musi ndi tshi ḥangana na vhathe vha Pentekostała lwa u thoma, Ndo—ndo ya California, u tou vha murado wa muvhuso hafha, seli ha mulambo. Huno ndo vha ndi Los Angeles. Na khathihi a tho ngo tshila mađuvhani a uyu mushumeli wa mufumakadzi a ḥivheaho, Vho-Mme. Semple . . . Aimee Semple McPherson. Ndi tea u ḥangana na murwa wawe, Rolf, nzhinga yavhuđi ya Mukriste, huno—huno mufumakadzi wawe na muṭa wawe. Zwa vhukuma ndi vhathe vhavhudi, huno Dokotela. Teeford na vhunzhi ha zwithu ngei Angelus Temple. Huno ndo rera nga ha Muhuvho wa Pentekostala, Muhuvho wa miñwaha ya fuṭhanu heneffo, miñwaha i si gathi yo fhiraho, huno zwa vhukuma ro vha na tshifhinga tshi mangadzaho.

⁴⁴ Ngauralo nga thonifho kha uyu musadzi we a ita tsumbo sa zwe a ita, ya u lingedza zwa khwinesa, huno u—u nekedza zwe zwa vha zwi mbiluni yawe, ndo badela tshifanyiso khae uri a ye tshaloni tshawe n̄tha ngei Forest Lawn. Huno musi ndo ima heneffo na muñadzi wanga wo bvuliwa, huno—huno nda kotamisa ḥoho yanga nahone nda livhuwa Mudzimu nga vhutshilo havhudi ha hoyu mulanda muṭuku, Nda vhudzisiwa nga tshigwada tshe nda vha ndi natsho, tshigwada tsha vhashumeli, arali nda fara lwendo nga . . . kha Forest Lawn. Huno nga ngomu ha motshari heneffo, kana tshiñwe na tshiñwe tshine na tshi vhidza, ndo vha ndi tshi khou sedza kha maitele o fhambanaho, huno nda vhona Tshilalelo tsha Murena, nahone vha dzula. Vhunzhi hanu no zwi dzhieila nzhele, musi vha tshi vhea zwiedza khayo, Tshilalelo tsha u Fhedzisela, huno vha pfa nganea yazwo.

⁴⁵ Fhedzi tshiñwe tsha zwithu zwa ndeme nga maandesa zwe nda zwi vhona heneffo, ho vha hu musi ni tshi dzhena muñangoni, ndi a tenda zwi *do* vha thungo ya vhubbavduvha. Ho vha hu na tshi—tshivhumbwa tsha Mushe o dzulaho heneffo, uyo wo vha u mushumo wa philelo ya vhutshilo ya Michelangelo, Ndi tenda uri ho vha hu, muvhadi we . . . Ndi nga di vha ndo khakha kha munna, ndi a tenda uri izwo ndi zwone, Michelangelo, we—we . . . muvhadi muhulwane we a vhumba itshi, kana, tshifanyiso tsha Mushe. Huno vhunga o vha a tshi khou zwi ḥalutshedza, mu—muendedzi we a vha a tshi khou ri endedza, o amba uri itsho tsho vha tshi tshiñwe tsha zwifanyiso zwi hulwanesa zwe Michelangelo a vhuya a zwi vhumba. Huno a ri zwe dzhia vhutshilo haweh vunzhi, mushumo u kondaho.

⁴⁶ Zwenezwo nda dzhiela nzhele, ndi tenda uri ho vha hu, kha gona la tsha u la. Tshivhumbwa tsho vhonala tsho khunyelela, tshi suvhelelaho, huno Mushe e na ɿafula ya milayo tshanqani tshawe, na ndebvu dzawe ndapfu. Huno ho vha hu, a hu na zwiñwe, muhumbulo wa Michelangelo, zwine Mushe a tea u vhonala e zwone. Khañwe o vha a sa athu u vhona tshifanyiso, fhedzi, muhumbuloni wawe ene muñe, o ola zwe a elekanya uri Mushe u tea u vhonala e zwone.

⁴⁷ Huno nganea i a bvela phanda, zwenezwo o no fhedza tshi—tshivhumbwa, na zweøhe zwe nakiswa nahone zwe fhelela, a ima murahu uri a vhone mushumo wawe. Huno musi o no vha na þuthuwedzo nga maanda, u swika zwi tshi vhonala nga maanda... Zwe a vha e nazwo þhalukanyoni yawe, zwe a vha o ita nga tshanq tshawe. Tsho vhonala zwinzhi nga u ralo, huno na miñwaha yoþhe ye a vha o lindela khayo, u swika a tshi hwalea nga þuthuwedzo, a tshi rwa kha gona nahone a vhidzelela a ri, “Amþa!” Huno hu na fhethu ho vundeaho kha mu—mu—mulenzhe, gona la Mushe, he Michelangelo a rwa nga hamula yawe, ngauri o vha o þutuwedzwa nga maanda.

⁴⁸ Ni a vhona, ho vha hu na tshinwe tshithu ngomu hawe, u rangani, uri o ita tshifanyiso tsha muhumbulo tsha zwe a elekanya uri Mushe u tea u vhonala e zwone. Huno musi o no vhona izwo zwi tshi vhoniswa phanda hawe, tshithu tshithihi tshe a vha natsho muhumbuloni wawe, zwe a elekanya uri Mushe u tea u vhonala e zwone; huno a hwala ilo bono nae miñwaha yoþhe na miñwaha, vhunga o dzhia tshipida tshihulu tsha giranete, huno a kwasha tshipida hafha na tshipida heneffho, huno a tshi swaya fhasi, ngauri tsho do tea u da lwo fhelelaho. Huno musi a tshi khunyeledzwa phanda hawe, o—o vhona tshivhoniswa tsha zwe zwa vha zwi muhumbuloni wawe. Izwo ndi zwe zwa mu þutuwedza nga u ralo, u rwa tshifanyiso, huno a vhidzelela, “Amþa!” Iyo miñwaha yoþhe ya u tambula mafhedziseloni o swikelela. Mushumo wawe muhulwane wa tshanda wo vha wo fhela.

⁴⁹ Zwino ri a zwi vhona izwo, huno ndo—ndo þutuwedzwa ngazwo, ngauri ndo elekanya uri, zwa vhukuma, luswayo lu kha mulenzhe, zwe zwa zwi ita, kha nñe, tshifanyiso tsho vuledzeaho. Ngauri, u tou vha, arali hu tshi tou vha vhuñwe vhutsila, kana tshinwe tshithu tsha Mushe, luriñe lushaka lwa tshivhumbeo tshe muñwe munna a vha e natsho muhumbuloni. Fhedzi, munna we a vha a tshi khou ita mushumo, wo mu fusha nga maanda u swika a tshi u rwa. Huno luswayo khaþo lwo zwi ita tshifanyiso tsho vuledzeaho kha nñe, ngauri tsho vhonisa lwo fhelelaho zwe zwa vha zwi kha þhalukanyo yawe uri Mushe u tea u vhonala o ralo.

⁵⁰ Oo, nda ima heneffho. Ndo do tea u tuwa lwa miniti i si gathi, u elekanya nga ha—nga ha zwe izwo zwa vha zwe fanela u vha zwe amba khae, na—na zwe zwa amba kha nñe nga itsho

tshifhinga. Zwenezwo zwi da ḥhalukanyoni yanga, zwa izwi zwine nda ṭoda u amba na inwi nga hazwo.

⁵¹ Kha ri shandukise zwino mihumbulo yashu i bvaho ha Michelangelo, u ya kha Muvhađi muhulwane, Mudzimu Ramaandothe, We, u rangani, hu sa athu vha na ḫuvha kana mapfuvhi a ḫuvha, hu sa athu vha na athomo kana mołukhułu, Mudzimu, ḥhalukanyoni Yawe, o vha e na munna, zwine munna a tea u vhonala e zwone, zwine a tea u vha zwone, na zwine a tea u ita vhunga zwone. Huno O vha a tshi ṭoda uyo munna a tshi vha tshipida Tshawe, “Ngauralo A ita muthu tshifanyiso Tshawe ene mune, huno kha u fana na Mudzimu o sika Ene muthu,” oo, musi Mudzimu, u rangani, o ita itshi tshifanyiso tsho vuledzeaho, tshiñwe tshithu tshe tsha vhonisa mihumbulo Yawe.

⁵² Elelwani, hu na tshivhumbeo tshithihi fhedzi tsha Vhutshilo Vhu Sa Pheli, huno na zwashu...na madzina ashu na ngelekanyo dzashu two vha zwi na Mudzimu phanda ha musi hu tshi vha na mutheo wa shango. Ngauri zwino ri na Vhutshilo Vhu Sa Pheli. Huno u vha hezwo, ri tea u vha tshipida tsha Mudzimu. Ngauralo ri do tea u vha nga maanda kha mihumbulo Yawe, ngauri ri na Vhutshilo Vhu Sa Pheli, huno ra telwa kha vhuno vhutshilo. “Huno madzina ashu o vhewa kha Bugu ya Ngwana ya Vhutshilo phanda ha mutheo wa shango,” u ya nga Nzumbululo. Zwino, uri Mudzimu o vha na riñe kha u humbula Hawe, zwenezwo ri na Vhutshilo Vhu Sa Pheli, ngauri zwenezwo O ri amba, huno ra da kha u vha hone. Huno ipfi li tou vha muhumbulo wo vhonadzwaho. Mudzimu o ri ita, u rangani, kha ngelekanyo Dzawe.

⁵³ Zwino, huno musi A tshi ita Adamu, uyo muthu wa u thoma, two vha two khunyelela hani. O vhonala sa Mudzimu. Mudzimu, Muya Mukhethwa muhulu, u tshi alamela kha liphasi, huno A...zwinoni zwa bvela nn̄da, khañwe, na zwipuka, zwithu two fhambanaho, huno vha isa phanda na u da zwinzhi kha tshivhumbeo tsha Uyo we a vha a tshi khou alamela. U swika, mafheleloni, ha bvelela mufuda kokotolo sa Ene we a vha a tshi khou alamela, Mudzimu. Mudzimu o vha, kana, muthu o itwa kha tshifanyiso tsha Mudzimu. Zwenezwo, musi A tshi mu vheya kha heyi tsim u khulu, vhunga Michelangelo o vhea mushumo wa vhutshilo haweh vhuulwane, na avha vhabhadji vhahulwane vhothe, Mudzimu o vhea mushumo wa tshanda Tshawe ngadeni ya Edeni, a mu itela mufarisi. Ndi u—u—u fushea-de he ha vha hu kha Mudzimu, u vhuya swika A tshi tou awela. Ho vha hu tshi tou vha vhuawelo. Mushumo wawe wo vuledzwa.

Zwenezwo nganea i ḥungufhadzaho ya da, ya swina.

⁵⁴ Zwino dzhielani nzhele. Hetshi tshithu tshithihi tshirendza ni tshi tshi vhea ḥhalukanyoni, tshe Mudzimu a nea hoyu munna tsireledzo. O mu nea... O mu khwaṭthisa nga ngomu ha

Ipfi Ławę, ngauri O vha vhudza zwine vha kona u ita, zwe vha kundelwa u zwi ita.

⁵⁵ Huno iyo ndi theo yeneyo nthihi ye ra vhewa khayo ḥamusi, zwine ri nga ita, zwine ri nga si kone u ita. A hu londwi uri ri vhavhudı hani, uri ri ya tshivhidzoni zwingafhani, kana ra ita *izwi*, ri tea u bebwa hafhu. Ni a vhona? Zwi fanela u ralo.

⁵⁶ Huno Mudzimu o vhudza Adamu zwe a vha a tshi nga ita na zwine o vha a sa koni u ita. O mu vhea murahu ha Ipfi Ławę.

⁵⁷ Huno zwenezwo swina li a dzhena, nga vhufhura, huno la kokovha nga kha mbondo dza Ipfi la Mudzimu, ngauri munango wo vha wo vulea khae, huno a rwa itshi tshifanyiso, kha tshivhi. Iyo ndi iñwe ya nganea i ṭungufhadzesaho.

⁵⁸ U elekanya, uri munna we a itwa nga tshifanyiso tsha Musiki wawe, huno a newa luvhondo lwa u ima murahu, uri ilo Ipfi li nga si kundelwe na khathihi. Ilo ndi—ilo ndi fulufhelo la Mukriste. Ndi tshiṭangu tshawe—tshawe. Ndī mafumo awe. Ndi tombo ławę ḥamusı, ndi ḥone, dzulani murahu ha Ipfi; mutendi muñwe na muñwe.

⁵⁹ Zwino, a ni tei u bva murahu ha Izwo. Musi ni tshi ita, inwi, ni khou vula muñango kha swina, musi vha tshi ri, “Oo, zwo luga, ni nga ita zwiṭuku zwa *hezwi*, na zwiṭuku zwa *hezwo*.” Mudzimu u ḥoda inwi ni tshi difhandekanya na tshiñwe na tshiñwe tshi no vhidzwa tshivhi. No vhetshelwa thungo tshoṭhe u itela Ene, nahone u itela Ene fhedzi.

⁶⁰ U na ndivho vhutshiloni hañu, muthu muñwe na muñwe, uri a hu na muñwe-vho kha tshifhaṭuwo tsha lifhasi ane a nga dzhia vhuimo hañu. Mudzimu u na tshiñwe tshithu tshanu. No itwa nga u ralo. No itwa nga iyo ndila hu na ndivho. Mudzimu ndi o khunyelelaho kha mushumo Wawe. O vhuya... Zwithu zwe fhambanaho. Ro fhambana, nga tshashu.

⁶¹ Ri dzhieła nzhele kha vhutshilo ha phukha. Ri wanulusa, kha vhutshilo ha phukha, hu na phukha nthihi, Mudzimu o ita livhanda la u shuma, vhunga bere, huno—huno i tea u shuma. Huno khōlomo ndi tshiṭhavhelo. Huno, fhedzi, yone—yone ndau na nngwe i vhomba ḫakani hu si na muñwe mushumo kana tshiñwe tshithu. A ita tshipuka tshihulwane sa ndou, huno zwenezwo a ita tshithu tshiṭuku sa mbevha. Zwino, ndi nnyi a re henefho u vhudza Mudzimu zwine a tea u ita na uri zwi itwa hani? U zwi ita nga ndila Yawe.

⁶² Huno U ita dzithavha. U ita masoga. U ita one—one malwanzhe. U ita howaho. U ita lushaka luthihi lwa muri, khuni dzi kondaho, mutshevho, na—na zwiñwe zwinzhi. U a zwi ita.

⁶³ U ita vhanna vho fhambanaho. U a ri nea, muñwe na muñwe, fhethu ho fhambanaho. Huno mutshevhe u nga si vhe muhikori. Nahone muhikori u nga si vhe mutshevhe. A hu na muthu ane a nga dzhia vhuimo hañu, huno ni songo lingedza u dzhia fhethu

ha muñwe muthu-vho. Ngauri, ni muthu muthihi, kha Mudzimu, huno Mudzimu u na ndivho yanu. O ni ita nga u ralo. Inwi ni ri, “Ndi ngani O zwi ita?” Ndi o khunyelelaho. U na tshiitisi tsha uri zwi vhe nga iyo ndila.

Fhedzi ri wanulusa uri rothe ro farekanywa nga Ipfi.

⁶⁴ Ngei ḥadulu, ri sedza mivhili ya lutomboni. Bivhili i amba zwauri na ḥaledzi nthihi yo fhambana na inwe. Hu na Sirasi na dzinwe vho dzo fhambanaho. Huno Mars na Jupiter, avho vhothe vho fhambanaho, vha fhambana nga tshavho. Duvha li fhambana na nwedzi, na nwedzi u bva kha ḥaledzi. Huno hu na Vharuñwa, vho raloho sa, hu na Vhaserafe na Vhakerube, na Vharuñwa na Vharuñwa vhahulu, kha—kha dzidigiri. Huno na kha shango liswa li ḥaho, mahosi a lifhasi a disa nduvho dzao mudini.

⁶⁵ Ri do dzulela u vha nga yeneyo ndila. Ngauri, Mudzimu haho kha Sears na Roebuck Harmony House. Ndi ene Mudzimu wa u a ngalala. U ita tshinwe nga inwe ndila, huno muñwe-vho. Fhedzi ri tea u Mu shumela nga ndila ye Mudzimu a ri ita ngayo, huno ra takala, nahone ra dzula murahu ha Ipfi ḥawe. Huno ndi nga ndila ye Mudzimu a zwi ita ngayo.

⁶⁶ Fhedzi musi ri tshi wanulusa uri swina lo fhira kha ilo Ipfi, kha izwi, mushumo wa tshanda tsha Mudzimu, o u tshinyadza. Huno izwo ndi zwone kokotolo zwine a khou ita zwino. U khou nangavhedza nga kha uyo mushumo wa zwanda, swina li khou ralo, li tshi lingedza uri ita Khoro ya Shango ya Zwivhidzo. Huno munna u na . . . Mulandu, vhatu a ri koni na u tendelana nga tshashu, naa ri khou yo ita hani uri shango lothe li tendelane na munna? Huno nga u ḥavhanya musi ni tshi ita izwo . . .

⁶⁷ Ri na Muñwe ane ra tea u ḥumana nae, ane ndi Mudzimu. “Huno u rangani ho vha hu na Ipfi, huno Ipfi o vha e na Mudzimu, huno Ipfi o vha e Mudzimu.” Huno Ipfi li dzula li Mudzimu, nahone tshifhinga tshothe li do vha Mudzimu, ngauri Mudzimu u kha Ipfi. “Huno Ipfi a itwa ḥama nahone a dzula vhukati hashu,” nga Muthu wa Murwa wa Mudzimu.

⁶⁸ Zwino ri wanulusa, uri, nga murahu ha musi O wana uhu u tshinyadziwa, u vhonala nga u ralo, arali zwo vha nne na inwi, huno ro vha ri tshi do vhea itsho tshifhinga na nungo, ro vha ri tshi do vha ro raha itsho tshithu ra tshi litsha, fhedzi, hu si Mudzimu, O vha a sa khou funa u tendela mushumo Wawe u tshi ya u tshinyala. Ulwo ndi lufuno lwa Mudzimu. A zwi mangadzi murendi o ri:

Naa riñe nga ennge lwanzhe lu tshi dala,
Huno ri lutombo lwa ḥaba la mukumba;
Huno ḥanga liñwe na liñwe kha lifhasi li
muthenga,

Huno muthu muñwe na muñwe a muñwali nga makwevhō;
 Nwala lufuno lwa Mudzimu n̄tha
 Tshi ḋo omisa d̄anzhe ḋa oma;
 Kana tshikirolo tshi nga hwala zwoṭhe,
 Naho lwa vulwa u bva kha lutombo u ya kha lutombo.

⁶⁹ Vhonani lufuno lwa Mudzimu! Nga murahu ha musi muthu o wa huno a vula munango kha swina nga khole, huno a dzhena ngomu nahone a mu tshinyadza, huno a vhea lufu khae, naho zwo ralo Mudzimu o vha a sa funi izwi zwi tshi kundiwa. A tsela phasi huno a thoma u dovha hafhu. O vha a tshi khou yo ita uyo munna hafhu.

⁷⁰ O vhea Adamu kha mulanga, “Ita *itshi*, huno hu si *itshi; itshi*, na hu si *itsho*; u songo kwama, u songo fara, u songo thetshela.”

⁷¹ Fhedzi ri a wanulusa, musi O thoma hafhu, O thoma nga—nga Abrahamu. Huno kha Abrahamu, A mu thoma e kha mulanga u si na maga. Hu si “arali ni tshi ita.” “Ndo ralo. Ndo no zwi ita kale. Ndo ni fhaṭutshedza, inwi na mbeu yanu, na zwiñwe zwinzhi, murahu hanu.” Wo vha u mulanga u si na maga. O thoma na Abrahamu, mushumo Wawe hafhu, huno zwino e na mulanga Wawe u si na maga. Zwenezwo, musi ri tshi wanulusa, O vhea kha Abrahamu huno a mu ɻea mulanga, hu si na maga, nga pfulufhedziso.

⁷² Zwenezwo A ḋa kha vhokhotsi, rine ra tevhela, kha Testamente Ndala, musi ri tshi tsela phasi. Hafha O ḫana mutheo wa mushumo Wawe. Zwino ri na Abrahamu, Isaka, Yakobo, Yosefa; vhokhotsi vhaña.

⁷³ Zwino, Abrahamu o imela lutendo lu tshi shuma, lutendo, ngauri Abrahamu o vha e lutendo. O vha e na lutendo luhulwane, ngauri, “Ho ngo timatima pfulufhedziso ya Mudzimu, nga u sa tenda.” Musi, ri tshi ḋo ri, “zwithu zwi khou kondā,” na tshiñwe na tshiñwe tshi hanēdzanaho nae, o vha a tshee o farelela kha Mudzimu.

⁷⁴ Zwenezwo ri na Isaka, we a vha e murwa a funwaho, we a imela lufuno, ngauri, Abrahamu e tshifanyiso tsha Mudzimu, vhunga Isaka o ɻekedzwa, Genesi 22, ri wanulusa uri o hwala khuni a gonya tshikwara, huno tshiñwe na tshiñwe tsho sumbedza Kristo, tsho vha tshi murunzi Wawe. Huno zwenezwo thutha ya ḋa nahone ya ɻetshedzwa vhuimoni hawé.

Zwino ulwo lwo vha lu lutendo, lufuno.

⁷⁵ Huno Yakobo, zwine zwa amba “mufhuri,” huno uyo ndi mufhuri. Huno ri a limuwa uri vhutshilo ha Yakobo ho imela tshilidzi zwavhukuma, ngauri tsho vha tshi tshilidzi tsha Mudzimu, tshifhinga tshoṭhe, na Yakobo.

⁷⁶ Zwenezwo ha da Yosefa. A hu na tshithu tshi lwaho na Yosefa. O vha ene o khunyelelaho. Muporofita wa Mudzimu we a da vhukati ha vhakomana vhawe. Huno o vhengwa, hu si na tshivhangi, nahone a rengiswa. Huno nga ndila iñwe na iñwe, vhutshilo hawe ho vha vhu murunzi wa vhutshilo ha Yesu Kristo. “O da kha vha re Vhawe, vha re Vhawe a vho ngo Mu tanganedza.” Vhunga Yosefa o vhengwa nga vharathu vhawe, a poselwa museleni, a dzhiwi o fa; o dzhia, a huliswa kha tshanda tsha u la tsha Farao. Huno musi a tshi tutshela khulunoni, vha lidza phalaphala, divha, magona othe o do tea u gwaðama, na kha Yosefa.

⁷⁷ Ri wanulusa uri Yesu o vha kaṭukuṭuku o rengiswa nga mutengo wonoyo muthihi we Yosefa a vha e wone. O dzhia a tshi bva—a tshi bva mugodini; huno a gonya ngomu Ṭadulu; a dzula kha tshanda tsha u la tsha Mudzimu. Huno musi A tshi bva afho Fhethu, “Phalaphala i do lila, nahone magona othe a do gwadama, huno ndimi dzothe dzi do bula Khae,” u khunyelela.

Ulwo lwo vha lu lutendo, lufuno, tshilidzi, na u khunyelela.

⁷⁸ Zwenezwo mutumbu wa mushumo u ya bvelela, wa uyu muvhadi muhulwane. O ita uri muvhili u shume nga vhaporofita. Vhaporofita vho vha vhe mutumbu wa mushumo.

⁷⁹ Zwenezwo mafheleloni ha bvelela thoho ya hoyu muvhili muhulu, we wa vha u Kristo Ene muñe. Vhothe vhaporofita vho vha vho amba nga Hae. Mushumo wothe wa mutheo wo amba nga Hae. Ndilani yothe u bva tsimuni ya Edeni, u bva nga tshifhinga tshenetsho tshe A thoma, “Ndi do vhea vhuswina vhukati ha mbeu yau na mbeu ya ñowa.” Huno ri a wanulusa uri O thoma heneffo, huno u da nga kha vho—vhokhotsi ngomu ha vhaporofita, huno a bva heneffo. Luthihi hafhu A vhona tshivhoniswa Tshawe, musi munna muthihi a tshi bebiwa kha lifhasi, u bva mbumbeloni ya musadzi, itsho tsho vha tshi Tshifanyiso tsho vuledzeaho tsha Mudzimu. Ho vha hu Murwa wa Mudzimu, Yesu Kristo. Tsho itisaho uri A vhe ene, ngauri O vha e Ipfi lwo fhelelaho.

⁸⁰ “U rangani Ipfi o vha e hone, huno Ipfi o vha e na Mudzimu, huno Ipfi o vha e Mudzimu. Huno Ipfi a itwa ñama huno a dzula vhukati hashu.”

⁸¹ Zwino ri vhona tsho vhoniswa Khae tshifanyiso tsho vuledzeaho. O vha o khunyelela, vhunga Mudzimu, u swika A tshi ri, “Arali Ndi sa iti mishumo ya Khotsi Anga, ni songo Ntenda. Naho nda... Ni nga si Ntende? Tendani mishumo, ngauri i tanzila kha inwi, uri ndi Nñe nnyi.” Ndi a zwi takalela hezwo. Ni a vhona? O ri, “Arali ni sa Ntendi...”

Vha ri, “U Muthu, u khou Ḍiita a linganaho na Mudzimu.”

⁸² A ri, “Arali ni sa koni u Ntenda, tendani mishumo ine Nda ita. Huno arali ndi sa iti mishumo ya Uyo we a Nthuma, zwenezwo a ni na pfanelo ya u Ntenda.”

⁸³ Ngauralo na Mukriste muñwe na muñwe u tea u ralo, namusi, u vha na vhutanzi honoho vhuthihi. Arali kha ili Ipfi la Mudzimu lo fulufhedziswaho, arali vhutshilo hashu vhu sa swikeleli nahone ha swikelela kokotolo zwe Ipfi la amba, zwenezwo a ri na pfanelo ya u divhidza Vhakriste arali ri songo bebwu hafhu. Yesu o ri, kha Mariko 16, “Izwi zwiga zwi do vha tevhela avho vha tendaho.” Ni a vhona? Hu si “vha nga di ralo; vha tea u ralo; hu na khonadzeo ya uri vha do ralo.” Vha do zwi ita. Uyo ndi Muvhadi we a ri ita. Itsho ndi Tshivhidzo tsho vhađiwaho. Uyo ndi—uyo ndi Muvhili wa Kristo.

⁸⁴ Zwino ri wana uri zwo Mu vhonadza lwo khunyelelaho. Muvhadi zwino o vha e na Ipfi lo vhoniswa kha Tshifanyiso tsho vuledzeaho hafhu, a no vhidzwa Murwa Wawe, Mudzimu, Imanuele. Itonu elekanya, uri, muthu o dínekedza nga maanda u swika Mudzimu a tshi Dítalusa ngomu heneffo, kha uyo muvhili, huno A vha... Ene na Mudzimu vha vha vhathihi. “Nñe na Khotsi Anga ri Muthihi. Khotsi Anga vha dzula kha Nñe. Ndi ita izwo tshifhinga tshothe zwine zwa takadza Khotsi.”

⁸⁵ Mini-ha arali Mukriste ñamusi a tshi nga vha na vhutanzi ho raloho? Ni do vha tshifanyiso tsho vuledzeaho henehafha Yuma, tshiṭaraṭani. Arali ni musadzi wa u kuvha ngei nn̄da murahu ha fhethu ha u kuvhela, ni kha di vha tshifanyiso tsho vuledzeaho kha Mudzimu, musi ni tshi kona u ri, “Ndi ita izwo tshifhinga tshothe zwi no takadza Mudzimu,” huno shango lothe li kona u vhona mu—mushumo wa Yesu Kristo u tshi vhoniswa kha inwi.

⁸⁶ Zwo ambiwa, tshiñwe tshifhinga, musuku wa kale, phanda ha musi vha tshi vha na nando. Yone... Vho vha vha tshi dzhia musuku huno vha u kandā, musindi o vha a tshi do ralo, vhone Vhaindia nga maduvha a u ranga musi Arizona yo vha i kha vhuswa hayo. Vho kanda musuku u swika musi mukandi a tshi vhona tshifanyiso tshawe kha musuku. Vha kanda tsimbi yothe, vhulali, tshika, u bva khayo, u swika mukandi a tshi divhona u fana kha tshivhoni, a tshi khou kanda.

⁸⁷ Zwino, izwo ndi zwine Mafhundo-madifha a ita. Vhathu vhanzhi nga maanda a vha takaleli u rembuluswa huno vha kandiwa. Zwo luga, zwine tshivhidzo tsha ḥoda madekwana a ñamusi ndi wavhudzi, fesheni ya kale, Muya Mukhethwa u tshi khou kanda, zwa shango na zwithu zwa shango. Izwo ndi zwine Pentekoste ya ḥoda madekwana a ñamusi. Hezwo ndi zwine mutshimbilo washu wa ḥoda madekwana a ñamusi, ndi wavhudzi, wa fesheni ya kale, u kandiwa ha musuku, u swika shango lothe li tshi kandiwa kha riñe, nahone Yesu Kristo a vhoniwa.

⁸⁸ I ri ndi vhe na itsi tshiđalatshanda tsha vhathu ngomu hafha madekwana a ñamusi, u dzhiela nzhele tshothe kha Kristo, huno matshilo avho o kumedzwa kha Kristo. Ndi nga ita zwinzhi nga itsi thi dadzaho tshanda, kana Mudzimu a nga kona u ita zwo engedzeaho, kha ndi ralo, nga vha vhathu vha

dadzaho tshanda fhano, u fhira zwine ni nga ita nga Khoro yothe ya Shango ya Zwivhidzo, u yela kha Muvhuso wa Mudzimu. Muñwe munna o dinekedzela zwandani Zwawe lwo fhelelaho, ndi zwenezwo fhedzi zwine Mudzimu a ṭoda.

⁸⁹ Fhedzi, ni a vhona, a ri ngo divhudza u dzula nahone ra Mu tendela a tshi rwa heli sia, lia sia, u khokhonya hezwi nnda, u khokhonya hezwo nnda, u bvisa hoyu muhumbulo nnda, huno hezwo, huno ni tendele Yesu Kristo a tshi vhonadzwa kha riñe. Ri vhonesa baisikopo nnzhi. Ri na thelevishini nnzhi. Ri na mañwe magumo manzhi a shango, u swika tshivhidzo tsho xedza muthetshelo watsho kha vhatu. Ndi ngauri Muya Mukhethwa u tshi bvela nnda, huno tshiñwe tshithu-vho tsha dzhena. Izwo ndi zwone, dzikhonani.

⁹⁰ Ndi pfa vhuñanzi, Vhapentekostala vha fesheni ya kale, uri who vha na miñangano ya thabelo vhusiku hothe. Vhokhotsi ashu na vhomme, fuiña, miñwaha ya futhanu yo fhiraho, rabelani vhusiku hothe. Vhatu who vha vha tshi vha vhenga, tshitaratani. Huno ri a elekanya, namusi, arali muñwe na muñwe a sa ri phaphathe kha mahada, mulandu, hu na tshiñwe tshithu tsho khakheaho kha riñe. "Khombo kha inwi musi vhanna vhothe vha tshi amba zwavhudzi nga ha inwi." O nyadziwa huno a landulwa nga vhatu, huno riñe ri tshifanyiso Tshawe. Amen.

⁹¹ Zwine ra ṭoda namusi ndi muñwe wa vhukuma, miñangano ya thabelo ya vhukumakuma, huñwe u kunakisa, ndilani yothe u bva kha phuluphithi u ya kha mulindakhoro, nndu yothe u ṭanzwiwa, nga Mudzimu, vha tshi kandiwa, vha vhonisa Tshifanyiso tsha Mukandi, Mafhungo-maqifha o rerwa nga maanda a mvuwo ya Kristo. Izwo ndi zwone.

⁹² Aya mafhungo-maqifha mañku a matshilisano ane ra vha nao, huno ra phaphatha iyi inwe kha shada, huno ra ita uyu mudikoni muthihi, huno uyo muñwe tshifhe, kana tshiñwe tshithu tshi no nga tshenetsho, vhothe vho rapołotiki. Naa izwo ndi zwone kokotolo zwe zwa bvelela ngei Nicaea, Roma? Ri ṭoda u tutshela kule ha izwo zwithu. Vhamethodisi, Vhabaphuthisi, Phuresibatherieni, Pentekostala, na vhothe, ri teya u bva kha zwenezwo.

⁹³ Politiki a i vhi ya Tshivhidzoni. Muya Mukhethwa ndi wa u dzhia Tshivhidzo, huno hu si khetho ya polotiki ya uri nnyi ndi nnyi. "Mudzimu o vhea tshivhidzoni vhañwe vhaapostola, vhañwe vhaporofita, na vhañwe vhadededzi, na vhaevangeli, na vhafunzi." A si vhatu vhe vha khetha ngomu heneffo. Mudzimu o vha vheya ngomu afho, nga u vhidzwa ha Muya Mukhethwa, miñangano ya thabelo, na u vheiwa ha zwanda, na u dzula phanda ha Mudzimu.

⁹⁴ Fhedzi, namusi, ro ita uri vhurereli hashu vhu vhe matshilisano ha fhethu u swika kañukuñuku hu tshi nga politiki, hone hunę, zwine ra zwi tamba kha dinomineisheni dzashu. Ri

kha... Muńwe a nga si sumbe muńwe. Rothe ri na mulandu. Ngomu heneho ni wana vhańwe vhanna vha vhukuma na vhasadzi vha vhukumakuma. Fhedzi vhuleme, zwine nda khou elekanya nga hazwo, ri khou wana zwinzhisa kha—kha sia la vha si gathi, vhathu vha vhukumakuma vhane vha ḥoda u tenda nahone vha ḥoda maanda a Mudzimu. Hu na vhanzhi vho diswaho nga nyito ya matshilisano, “Zwo ralo, *uyu* ndi munna wavhuđi. Ndi muthu wavhuđi.”

⁹⁵ Ri na zwivhidzo zwavhuđi. Ri fhaṭa kereke dzavhuđi, na zwivhidzo zwa khwine u fhira zwe ra vha ri tshi anzela u vha nazwo. Izwo zwo luga. A hu na tshithu tshi hanedzanaho na hezwo. Ndi takalela u vhona tshivhidzo tshi tshi bvelela.

⁹⁶ Fhedzi, mukomana, ndi do namba nda zwi vhona zwi tshi vha na u bvelela kha maanda a Murena u fhira u bvelela kha zwithu zwa shango. Humelani murahu kha Mafhungo-madiſha hafhu! Vhuyeelani kha maanda a Mudzimu! Humelani murahu kha pentekoste, yone... vhunga zwe zwa ranga zwa vha zwi zwone. Fhedzi, ni a vhona, vhuleme hazwo ndi hone, a ri ḥodi u dzhia uho u divhitha.

⁹⁷ Ni nga amba tshińwe tshithu nga ha tshińwe tshithu, huno tshińwe tshithu tsha vhuđa tshire tshivhidzo tsha khou ita, kana—kana tshińwe tshithu tsha matshilisano, zwenezwo vha ni landula, u vala miňango. Ni nga si dzhene ngomu, ni a vhona, ngauri vha na muňangano huno vha ni rahela nnđa. A vha tsha ni ḥoda. Vha ri, “Ni a penga. No xedza muhumbulo waňu.” Fhedzi tenda hu A RALO MA AMBA MURENA, izwo a zwi na thaidzo kha nñe zwine nnyi na nnyi a amba. Zwi dzhia maanda a Kristo u shandukisa muthu. Zwi dzhia maanda a Kristo u vhulunga muthu.

⁹⁸ Huno vhunga Yesu o amba tshińwe tshifhinga, “Dzhielani nzhele mavolenga. Huno naho zwo ralo ndi ri kha vhoiñwi uri Salomo, kha vhugala hawe hothe, ho ngo vhuya a dićama sa ḥone.” Salomo, kha vhugala hawe hothe, o vha e—e mbono yavhuđi. A hu na u timatima. O vha e tshithu tshihulwane kha shango, na munna muhulwane phanda ha Mudzimu. Fhedzi nguvho ya Salomo yo vha i si na vhutshilo khayo. Ho vha hu tshipida tsha matheriala, khańwe o bva muňanani wa nngu. Fhedzi, volenga lo vha li na vhutshilo.

⁹⁹ Zwine ra ḥoda ḥamusi ndi Vhutshilo ha Kristo ngomu hashu. Izwo ndi zwine zwa kunakisa; hu si wa nga nnđa, kholoro yo moniswaho, kana digirii ya saikholodzhi, kana tshińwe tshithu. Zwi dzhia maanda a Kristo o vuwaho uri ita zwine ra tea u vha zwone. Mudzimu ha na ińwe pułane nga nnđa ha u tendela Muya Mukhethwa u tshi vhusa nahone wa dzhiya ndango kha Tshivhidzo.

¹⁰⁰ Oo, Mudzimu, O vha e kha tshifanyiso tsha Mudzimu nga maanda, u swika Ene na Mudzimu vha tshi vha Vhathihi. “Nñe

na Khotsi Anga ri Muthihi.” Yawee, nne nne! Ndi tshithu tshi tshilaho tshe tsha vha tshi tshone, kha Mudzimu u tshila Khae, uri vhutshilo Hawe hothe ho vha ho putelwa kha Mudzimu. A zwi mangadzi tsho vha tshi tshifanyiso tsho vuledzeaho!

Sathane u da Khae.

¹⁰¹ Tshifhinga tshothe Mudzimu o elekanya uri U na tshifanyiso tsho vuledzeaho, Sathane a dzhena ngomu. O dzhena kha Mushe, huno a vunda milayo. Fhedzi musi a tshi da kha itshi Tshifanyiso tsho vuledzeaho, uho ho vha hu u nanga ha Mudzimu ene muñe. Amen. O vha e na—O vha o no Mu ta. A zwo ngo mu thusa nga tshithu. O dzula e wa ngoho kha Mudzimu, musi Mudzimu a tshi Mu sedza huno a vhona uri O lingiwa mađuvha a fuina sogani, vhunga Mushe. A hu na zwinwe, avho vhanna vhothe vho Mu fanyisa. Mulayo wo vundea. Fhedzi musi a tshi da, Sathane, mulingi muhulwane, huno a lingedza u Mu linga, o wanulusa uri ho ngo wana Mushe heneffo. Hai, muñe wanga. O kwama mudagasi wa zwigidi zwiñanu zwa volithedzhi dze dza fhisa phapha dzawe musi a tshi fhufha u lwa na uyo Muñwe.

¹⁰² “Zwo ñwaliwa,” A ralo. Ni a vhona? Adamu o mu wisa. Fhedzi, Yesu, Adamu wa vhuvhili, itsho Tshifanyiso tsho vuledzeaho tshe tsha da, u itela Murengululi, A ri, “Zwo ñwaliwa, ‘Muthu ha nga tshili nga vhurotho fhedzi, fhedzi nga Ipfi linwe na linwe li bvaho mulomoni wa Mudzimu.’” Heneffo O vha e na Tshifanyiso tsho vuledzeaho. Ee, muñe wanga. O amba tshinwe tshithu-who. A ri, “Nahone zwo ñwaliwa, ‘U songo linga Murena Mudzimu wau.’ Ibva kha iwe, Sathane.” Ho vha hu na Tshifanyiso tsho vuledzeaho. Naa O itani?

¹⁰³ Hu si u ri, “Ndi do vhudza tshivhidzo tshanga. Ndi do vha na vhotshifhe vhane nda tea u ita *hezwi-na-hezwi*. Mubishopo u do ita *zwikene na zwikene*.”

¹⁰⁴ A ri, “Zwo ñwaliwa.” Ndi zwe A vhea Adamu Wawe wa u thoma murahu, huno a wa, huno Sathane a zwi tshinyadza. Fhedzi o vha a sa koni u tshinyadza uyu Muñwe, hu si na ndavha zwe a ita. U swika heneffo, u swika a . . .

¹⁰⁵ Mudzimu o ri, “Uyu ndi Murwa mufunwa Wanga. Mu pfeni. Tshiñwe na tshiñwe, Ndi nekedza tshiñwe na tshiñwe Khae. Inwi, Mu pfeni.” Vho vha vhe Muthihi. Vho vha vhe onoyo Muthihi. Mudzimu o tshila Khae, a tshi khou Mu ita Mudzimu, Imanuele, kha lifhasi. O vha e Ngwana yo vuledzeaho, oo, Tshifanyiso tsho vuledzeaho tsha thengululo. Zwo takadza Mudzimu, zwenezwo, u tou fana na Michelangelo, O vha o tuñuwedzwa nga maanda nga vhutshilo Hawe. Ri wana kha . . .

¹⁰⁶ Ndi na Mañwalo o ñwaliwaho hafha fhasi. Mariko 9:7, arali ni tshi ṭoda u i vhala. Musi . . . Ndi Thavha ya Phenyiso. Musi O vha e ngei ñha kha Thavha ya Phenyiso, ri a wanulusa uri ho bvelela Mushe, huno heneffo ha vhonala Eliya.

¹⁰⁷ Huno zwenezwo, tshithu tsha u thoma ni a divha, muapostola Petro o vha o hevhedzwa nga maanda, u swika a tshi ri, "Kha ri fhate thaberenakele tharu hafha. Ri do tou vhumba zwiimiswa zwiraru kha hezwi. Ri do ita dzidinomineisheni tharu: inwe ya Mushe, inwe ya Eliya, huno inwe u itela Iwe."

¹⁰⁸ Musi a tshi kha di amba, ha da ipfi li bvaho kha ilo gole. Lo ri, "Uyu ndi Murwa mufunwa Wanga. Ndi a takala nga maanda Nae, ndi khou ya u Mu rwa u itela inwi. Mu pfeni. U khou ya u amba."

¹⁰⁹ "O rungelwa vhutshinyi hashu. O khudzulelwa vhutshinyi hashu." O vha e Ngwana, Ngwana ya Mudzimu, Tshithavhelo tsho vuledzeaho. A hu na muthu we a vhuya a tshila sa Ene, a hu athu vha na muthu u bva tsheetsho we a tshila sa Ene. O vha e Tshifanyiso tsho vuledzeaho, tsho metsha Ipfi la Mudzimu kokotolo.

¹¹⁰ Mudzimu u rangani o nea Ipfi Lawe, tshipida tsha *itshi tshipida* tsha tshifhinga, u itela *itsho tshipida*, u itela *itsho tshipida*.

¹¹¹ Heneffo ndi hune vhanna vha fhurwa nga maanda nahone vha dada namusi. Vha khou lingedza u fhaṭa kha tshiñwe tshithu tshe tsha bvelela miñwahani ya fuina, futhanu yo fhiraho. Rin'e ri... Itsho, itsho tsho newa itsho tshikhathi.

¹¹² Naa zwi do farisani uri Mushe a de na-na mulaedza wa Enoko? Naa zwi do farisani uri Mushe a de na-na mulaedza wa Noaxe? Naa zwi do farisani uri Yesu a de na-na mulaedza wa Mushe? Ni a vhona? Huno zwi do farisani uri Wesley a de na mulaedza wa Luther? Naa zwi do farisani uri Pentekoste i de na mulaedza wa Wesley? Ni a vhona zwine nda khou amba?

¹¹³ Zwothe two vhweda hafha kha Bivhili, huno ri tea u divha tshikhathi na awara, na uri ndi zwifhio zwe ra farelwa. Huno heneffo ndi hune ra khou kundelwa namusi. Ri khou vhala tshiñwe na tshiñwe-vho nga nn̄da ha Bivhili. Ili ndi duvha line ra tea u vha ri tshi khou tshila khalo. Ili ndi duvha le Mudzimu a ri vhea hafha. Kha ri sedze kha Ipfi.

¹¹⁴ Iyo ndi ndila ine vha kundelwa u vhona Yesu; avho Vhafarisei, na Vhasadukei, Vhaherode. Madzangano o fhambanaho a ilo duvha o vha nalo lo lugiswa nga maanda, nahone lo dzudzanywa lwo fhelelaho nga maanda, ho vha hu si na ndila ya u ponya, vho elekanya. Fhedzi musi A tshi da, Ene zwa vhukuma... O vha o fhambana na vhothe vho zwi elekanya. O vha e Muthu muṭuku, a diṭukufhadzaho o bebelwaho mukungwani, na... u tea u vha Nwana wa khangamutupo, na hezwi zwithu zwothe zwi ngaho izwo.

¹¹⁵ Fhedzi, naho two ralo, U da kokotolo nga ndila ye Luñwalo lwa amba uri U do da. Huno vho vha vha tshi khou ita maitele kha zwe Mushe a amba, nahone Mushe o amba nga Hae. A ri, "Zwo luga, arali no vha no divha Mushe, no vha ni tshi do vha

no Nndivha. Mushe o amba nga ha Nne." Huno naho zwo ralo a vho ngo kona u zwi vhona. Vho tou tanganana kha maitele avho, u swika vha tshi kundelwa u zwi vhona. Fhedzi, ni a vhona, O vha a sa di u vhonisa ayo madzangano a ilo duvha. O vha a songo da u vhonisa vhurereli ha vhakheluwi.

¹¹⁶ O da u vhonisa Khotsi, huno Khotsi o vha e Ipfi. Amen. Zwino ndi pfa ndi wa vhurereli zwa vhukuma. O da u vhonisa Ipfi la Khotsi. Mudzimu o amba uri U do vha heneffo, huno heneffo O vha e hone, Tshifanyiso tsho vuledzeaho tsha mushumo wa tshanda tshihulwane tsha Mudzimu. Yawee, nne-nne! O vha a tshivhonisa tsho khunyelelaho Tshawe. O vhonadza tshinwe na tshinwe tshe-tshe Mudzimu a amba nga hatsho. O vhonisa zwe Adamu a amba nga Hae. O vhonisa nga ha vhaporofita vhothe vho amba, nga ha vhokhotsi vhothe vho amba. Tshinwe na tshinwe tshe A amba, O vha e u khunyelela ha Ipfi. Zwifanyiso zwe the two khunyeledzwa Khae. Iina. O vha Yehova wa Testamende Ntswa. O vha e Yehova wa Testamende Ndala. "Ipfi zwenezwo," le la vha li kha Khavhu ya Mulilo, "lo vhonadzwa nahone la dzula vhukati hashu." Yehova wa Testamente ya Kale o vha Yesu wa Testamente Ntswa. O vha e tshivhonisa tsho fhelelaho tsha Mudzimu.

¹¹⁷ Oo, arali Tshivhidzo namusi tshi tshi nga tou vhonisa itsho Tshivhidzo tsha u thoma, musi Muya Mukhethwa wo wa nga Duvha la Pentekoste! Arali Mukriste namusi a tshi nga vhonisa! Ri tshigwada tsho endiwaho, kha zwe vha vha zwone.

¹¹⁸ Ndo fhira, ndi tshi khou da namusi, Ndo vha ndi tshi khou sedza, ndi tshi da fhasi hafha, nga huiwe ha heyi Casa Grande, kana maniwe a haya mafhethu hafha, Ndo dzhieila nzhele uri ho vha hu na bulasi ya—ya khotoni, na furu yo fhambanaho. Vho do tea u vha na dziwindimili, u bommba madi, u vha na hezwo u bvala phanda. Ndi ngani? A zwi weli heneffo. Zwa vhukuma hai. Fhedzi, lavhelesani kha kakituse ya kale, i nga si ne lwa miñwaha miñanu huno ya tshila. Huno ni kundelwa u vhea madi kha izwo lwa maduvha a si gathi, huno zwi do fa. Inwi ni a vhona, a si tsha vhubvo.

¹¹⁹ Iyo ndi ndila ine ra vha ngayo. Ri tea u farwa sa lushie, huno ra ita tshithu tshihulu tshivhidzoni, nahone ra luvheleliwa, nahone ra vhidza *itsi*, *itsi*, kana *tshinwe*.

¹²⁰ Zwo ralo, avho Vhakriste vha u ranga vho vha vhe na vhuhali. A vho ngo londa uri ndi nnyi o vha phaphathaho muñanani. Vho vhonisa Yesu Kristo, nga maanda, lwe vha ri . . . Vho vha dzhieila nzhele uri—uri vho vha vha songo guda na u funzea. A vho ngo ya tshikoloni tsha nthia, huno a vho ngo vha na digirii ya kholedzhi. "Fhedzi vho dzhieila nzhele uri vho vha vhe na Yesu." Izwo ndi zwine vha toda, Vhakriste namusi, u dzhieila nzhele uri no vha ni na Yesu. Hu na tshinwe tshithu nga ha inwi, tsho fhambanaho. Ndi a zwi divha uri izwo a si . . . Itsho

ndi tshithu tshi sa takalelwi u tshi amba, fhedzi a ri khou ḥoda u takalelwa. Vhakriste a vha khou sedza tshiñwe tshithu nga ndila i leluwaho.

¹²¹ Khaladzi wa kale tshivhidzoni tshanga miñwaha yo fhiraho, o vha a tshi dzulela u ima huno a imba luimbo:

Naa ndi tea u takulelwi hayani Tadulu
Kha vhulalo ha maluvha ha vhuñigedi,
Hu na uri vhaniwe vho lwa u wina tshiphuga
Huno vha alavha nga kha lwanzhe lwa
malofha?

Hai, ndi tea u lwa arali nda nga vhusa.

¹²² Ni elekanya zwine na ño ita arali no vha ni fhano huno tshiñwe na tshiñwe tsho vha tshi tshi hanedzana na Yesu Kristo, arali no tshila mađuvhani Awe. Ni khou tshila heneffo, mukomana wanga, khaladzi. Ndi zwone. U kha di vha Ipfi. Sedzani uri vha khou kanda hani Khañ qamusi. Sedzani uri vha khou lingedza u I dzudzanya hani, huno vha I ṭanganya, na tshiñwe na tshiñwe nga u ralo, na shango. Bvelani nn̄da. Dzhiani vhuimo hanu—dzhiani vhuimo hanu u itela Yesu Kristo na Ipfi Lawe. I ri ni hu si vhe na tshithu tshi no thivhela izwo. Dzulani heneffo Nało.

¹²³ Vhunga munna wa kale wa Matshaina wa u kuvha, o vha a tshi anzela u da ngeno Arizona na California, miñwaha yo fhiraho. O vha a sa koni u ñwala ipfi lithihi la Tshiisimane. Ho ngo zwi ñivha na luthihi. Ni dzhia thundu dzañu dza u kuvhiwa khae. Ni a ñivha zwine a ño ita? O vha e na zwipiða zwitiku zwa bammbiri, a hu na tsho ñwalwaho khazwo na luthihi. O vha a tshi ño tou kherukanya itsho tshipiða tsha bammbiri huno a ni ñea tshipiða tshithihi. Musi ni tshi vhuya murahu, itsho tshipiða tsha bammbiri tsho ño tea u metsha na tshipiða tshawe tsha bammbiri, kana no vha ni sa wani thundu yanu. Izwo zwi khwine nga maända. Inwi ni nga kona u edzisa dzina, fhedzi a ni khou yo u mu fhura heneffo, ngauri itsho tshipiða tsha bammbiri tshi tea u edana kokotolo na tshipiða tshawe tsha bammbiri.

¹²⁴ Iyo ndi ndila ye Mudzimu a ita mulanga Wawe na ene-vho. Tshenzhemo tshashu a si u ṭangana na inwe ndaela, inwe dogima, tshiñwe tshivhidzo tsha dinomineisheni, fhedzi zwi tea u metsha na Ipfi la Mudzimu, Yesu Kristo. Ndi zwone. Musi ri tshi da kha Kristo, zwenezwo Kristo u a ri vhila. O Mu kherukanya a bva zwipiða zwivhili, ngei Khalivari. Tshipiða tshazwo A takulelwi ntha, na u dzula kha tshanda Tshawe tshañu, tshe tsha vha tshi muvhili. Muya, O da, a rumelwa ngeno murahu u Mu itela Muselwa. Huno tshenzhemo yeneyo nthihi ye ya vha i kha Kristo i tea u vha kha riñe.

¹²⁵ O vha—O vha o tshothe o khunyelela nga maända u swika A tshi takadza Muvhađi, huno a Mu ḥuñuwedza nga maända u swika A tshi Mu rwa ngei Khalivari. Yawee, nn̄enñe! Zwino

ri a Mu vhona vhunga Luñwalo lwo amba, tshifanyiso tsho vuledzeaho tsha Mudzimu. "Ri a Mu vhona o rwiwa, o rwiwa, nahone o tambudzwa nga Mudzimu." Ngetsho tshifanyiso tsho vuledzeaho tsha vhukuma. Vhunga Michelangelo o rwa tshawe, itsho ndi tshe tsha ita . . .

¹²⁶ Arali O vha a tshi kha di bva u tshila vhutshilo havhudzi, O vha a tshi nga vhañwe vha vhathu vhane vha rera mafhungomadifha a matshilisano namusi, "O vha e muporofita." O vha e muporofita, fhedzi O vha a tshi fhira muporofita. O vha e Mudzimu. O vha e Imanuele.

¹²⁷ Huno zwino tshe tsha Mu ita kokotolo, kha nne, tshi-Tshifanyiso tsho vuledzeaho kha nne na kha inwi, ndi ngauri Mudzimu o Mu rwa. O Mu rwa ngei Khalivari. Arali A songo rwiwa . . . A hu londwi uri O vusa vhafu vhangana, uri O rera zwi hulu hani, zwe vhutshilo Hawe vhuhulu ha vha vhu zwone, zwe mbilo Dzawe dza vha dzi zwone, O tikedzwa henefho. O takadzwa nga maanda, Mudzimu o ralo, u swika A tshi vha Muthu fhedzi we a vhuya a ima kha tshifhañtuwo tsha lifhasi uri Mudzimu u do mu rwela vhañwe vhothe. Uyo o khunyelelaho a tshi rwelwa a songo khunyelelaho. Tsiko yothe ye ya wa, nga kha Adamu, yo rengululwa nga kha Yesu Kristo. Tshifanyiso tsho vuledzeaho tsha Mudzimu tsho kondelela mulingo. Naa O zwi ita hani? Nga Ipfi. "Zwo ñwaliwa, 'Muthu ha nga tshili nga vhurotho fhedzi, fhedzi nga Ipfi linwe na linwe li bvaho mulomoni wa Mudzimu."

¹²⁸ Oo, khonani ya Mukriste, ambarani mafumo othe a Mudzimu. Ni songo ima murahu na muñwe muhumbulo muñuku wa inwe ndaela, kana tshiñwe tshithu tshe na ima ngatsho. Ambarani mafumo othe a Mudzimu musi ni tshi ya u lwa na swina, vhunga zwe Murena washu a ita. O sumbedza uri u Mukriste wa u shaya nungo a nga kunda hani Sañhane nga Ipfi fhedzi. O vha e na maanda, O vha a tshi do vha o rwa Sañhane nga ndila inwe na inwe ye A ḥoda, fhedzi Ho ngo i shumisa. O tou džhia Ipfi huno a mu kunda Ngalo. "Zwo ñwaliwa. Zwo ñwaliwa." Huniwe na huniwe, "Ho ñwaliwa." Ngauralo O kunda Sañhane nga Ipfi la Mudzimu.

¹²⁹ Zwino, itsho tsho vha tshi Tshifanyiso tsho vuledzeaho huno Mudzimu a Tshi rwa. Ndi tsumbo-de ye Tsha vha tshi ngayo! Ndi tshithu tsha vhukuma-de nandi! Ni amba nga ha tshipiña tsha Michelangelo tsha-tsha u vhadiwa henengei, nga Mushe o rwiwa mulenzheni? Yone Bivhili yo ri, "Hoyu Muthu o rwiwa u fhira vhathu vhothe. O rwiwa u swika A si tsha vhonala sa murwa muthu. O rwiwa. O khudzulwa. O vha e na malofha. O bvulwa." O . . . Tshiñwe na tshiñwe tshine tshi nga itwa. O vhonala a tshi tou nga-tou vha thulwi khulu ya Malofha na marambo, zwi tshi khou tshimbila zweþhe. O vha a si tsha vhonala sa muthu, vhunga A tshi hwala izwo kha Khalivari. Mudzimu O mu rwela riñe. Izwo ndi zwine zwa Mu ita Tshifanyiso tsho vuledzeaho.

¹³⁰ Oo, nga ndila ine nda Mu funa, divha uri O zwi itela nne, ni divhe uri O zwi itela inwi. Naa ri nga kona hani—naa ri nga zwi vhambedza hani? A hu na ane a nga zwi vhambedza. A hu na muthu o fanelaho u zwi vhambedza. Ro vha ri fhano ri si na fulufhelo. Riñe ri si na Mudzimu. Riñe ri si na ndila ya thengululo. Muñwe na muñwe washu o bebwa nga vhudzekani, huno ro do tea u badela mutengo. Fhedzi O da, Ene o khunyelelaho, huno o vha o khunyelela na u takadza u swika Mudzimu a tshi ni Mu rwela nne na inwi.

¹³¹ Zwino, lwa minwaha i no ɿodou swika ya zwigidi zwivhili, Mudzimu o vha a tshi khou lingedza u Mu tshea tshifanyiso tsho vuledzeaho tsha Muselwa, tshi vhidzwaho Tshivhidzo. Izwo ndi zwone. Naa Mudzimu u zwi ita hani? U a zwi ita nga maitele Awe a sa shanduki na khathihi, Ipfi. Mudzimu na khathihi ha shandukisi maitele Awe. Nnyi na nnyi, ni nga kona. Ni a shanduka. Ndi a shanduka. Tshifhinga tshi a shanduka. Shango li a shanduka. Fhedzi Mudzimu ha shanduki, O fhelela. Ha shanduki. Huno ndila ine A ita tshiñwe tshithiu lwa u thoma, U zwi ita tshifhinga tshothe nge ndila i fanaho.

¹³² O tshidza muthu tshiñwe tshifhinga ngauri o rembuluwa. Ndi nga ndila ine a do tshidza muthu hafhu. O fhodza munna muthihi ngauri o vha e na lutendo. U do fhodza a tevhelaho kha theo yeneyo nthihi. Ha shandukisi ndila Yawe na khathihi, ngauri, ni a vhona, U na maanda nahone Ndi wa U Ya Nga Hu Sa Pheli. Ha na magumo, u hothe-hothe, u divha zweþe. Ndi ene Mudzimu. Huno ngauralo-ha Ha tei u humbela nnyi na nnyi vhuþali. Ha tei u lindela u swika A tshi guda zweþe engedzeaho. Ha ɿodi digirii ntswa. O khunyelela. Huno digiri iñwe na iñwe, huno na tshithu tshiñwe na tshiñwe tshire a ita U thoma, tsheo Yawe ya u thoma i dzula yo ralo lini na lini. I nga si shandukiswe na khathihi. Oo, ndo takala hani!

¹³³ Huno musi O ita tshifanyiso tsho vuledzeaho Tshawe tsha u thoma, A mu vhea murahu ha Ipfi. Musi A tshi ita Tshifanyiso tsho vuledzeaho Tshawe tsha vhuvhili, O vha e Ipfi. Amen. O vha e Ipfi; hu si *murahu* ha Ipfi. Fhedzi, O vha e Ipfi. Mudzimu na khathihi ha shandukisi puþane Yawe. Izwo ndi zwone kokotolo zwe A thoma u ita tshivhidzo Tshawe tsha u thoma ngazwo, Ipfi.

¹³⁴ Zwino, Mudzimu, Ipfi, u rangani, O vha e a ðilangaho kha vhañwe vhoþe, tshiñwe na tshiñwe-vho, vhañwe vhathu vhoþe. Zwino, a thi khou amba hezwi u vha o fhambanaho. Mudzimu ndi mukhethululi. Ni a zwi divha izwo? Ni a mba nga ha þhanganyelo? Mudzimu ndi mukhethululi. Zwa vhukuma o ralo. U fhandekanya vhathu Vhawe na shango. O fhandekanya Isiraele, lushaka Lwawe. U khou lingedza u fhandekanya tshivhidzo Tshawe na shango, fhedzi tshivhidzo tshi ɿoda u bvela phanda na shango. Fhedzi vhathu Vhawe vha kha ði vha vho khethiwa, vho khethiwa Khae. Ene Nnyi? Lone Ipfi.

¹³⁵ Naa munna a nga vha hani na ndovhedzo ya Muya Mukhethwa, huno Muya Mukhethwa wo የኩል Ipfi, huno munna a na ndovhedzo ya Muya Mukhethwa huno a landula Ipfi? Naa Muya Mukhethwa kha inwi u nga landula hani Ipfi ለa wone Une ሊ ተ ድሃስዥዋል inwi? A thi zwi pfesesı. Zwi tea u tendelana na Ipfi. Huno arali maya waṇu u re kha inwi u sa ዕ tikedza iñwe na iñwe ya pfulufhedziso dza Mudzimu nga “amen,” hu na tshiñwe tshithu tsho khakheaho.

¹³⁶ Mukomana Fred Sothmann kana muñwe muthu hafha madekwana a ዘመን, o redzaho, “Yesu Kristo ha shanduki mulovha, ዘመን, na lini na lini.” Ndi ene Ipfi. Ilo, ngoho. U dzula e onoyo muthihi, ni a vhona, huno maya waṇu u tea u tikedza izwo nga “amen.”

¹³⁷ “Oo, Ene, nga ndila nthihi ine A vha ngayo.” Nga ndila iñwe na iñwe, Ha shanduki mulovha, ዘመን, na lini na lini.

¹³⁸ Zwino ri dzhiela nzhele uri Mudzimu o thoma u Mu itela ene—ene Muselwa wa Kristo. Ngauralo...Huno Muselwa u fanela u taluswa Nae na kha Ene, ngauri ndi tshipida Tshawe. Zwino, Muselwa ndi tshipida Tshawe. U tshipida Tshawe. Ipfi ለa ilo duvha, Muselwa u vha tshipida tsha ilo Ipfi, ngauri ndi Kristo. Zwino, ni a tenda izwo? Ri tea u vha kha Kristo. Kha Kristo, ri tea u vha vha Kristo, kha Kristo, tshipida tsha Kristo.

¹³⁹ Musadzi ndi mini, musi a tshi dzhia munna, kana munna a no dzhia musadzi? Uyo musadzi u tea u vha tshipida tshawe. A vha tsha vha vhavhili. Vha muthihi.

¹⁴⁰ Huno musi Mudzimu na Kristo vha tshi vha vhathihi, Vho vha vhe Muthihi. Ngauri, Mudzimu o vha e Ipfi, huno Ipfi a itwa nama. Nama na Ipfi zwo vha Tshithihi. Huno musi tshivhidzo tshi tshi vha Muselwa wa Kristo, Ene na Mafhungo-madifha ndi vhathihi.

¹⁴¹ Naa ni nga amba hani, zwenezwo, “Mađuvha a madembe o fhira”? Naa ni nga amba hani, zwenezwo, “A si onoula wa mulovha, ዘመን, na lini na lini”? Naa ni nga amba hani na ri, “Izwo zwithu ndi zwa muapostola kana mufunziwa, kana muñwe muthu kha ሰነዥ duvha,” ngeno ni tshipida Tshawe?

¹⁴² Musi, O ri, “Mađadulu na lifhasi zwi ዕ lo vha, fhedzi Ipfi Langa a ስለ ዘመን kundelwi.” Mini-ha nga ha Nzumbululo 22, musi ሽለ fhedza u የኩል Bugu? A ri, “Ndi ተንተዥ ስለ arali muñwe muthu a engedza ipfi lithihi, kana a bvisa Ipfi lithihi Khayo, mukovhe wawe u ዕ ተስዋ ስለ Bugu ya Vhutshilo.”³

¹⁴³ Naa ri khou yo ዕ hani ngei ተዳሬ, zwenezwo, u ri, “Zwo luga, ndi tenda *itshi*, fhedzi a thi tendi *Itsho*? Ni tea u vha Ipfi ስለ fhelelaho, ngauri ni tshipida Tshawe. Iyo ndi ndila ine Mudzimu a khou lingedza u ita Tshivhidzo Tshawe ዘመን, hu si nga ndaela. Huno vha khou lingedza u ri kombetshedza ngomu ha izwo, vhathu. Ni nga zwi vhona zwi tshi khou ዕ. Muñwalo u kha luvhondo. A zwi nga dzhii tshifhinga tshilapfu u swika

ri tshi ya kha u vha Tshivhidzo tsha shango. Huno tshivhidzo tshiñwe na tshiñwe tshi khou yo tea u wela heneffo ngomu ha izwo, kana tsha kondelela dzinyimele. Zwo luga, no lugela u ima kha izwo? Ndi khwiñe ni sa zwi iti ngauri ni elekanya uri ndi tshithu zwone.

¹⁴⁴ Ndi khwine ni tshi vha na Kristo kha inwi, ngauri ilo Ipfi ndi la U Ya Nga Hu Sa Fheli, huno ilo Ipfi ndi lone li no ðo ni vusa hafhu. Inwi ni vha tshipida tsha ilo Ipfi. No badekanywa na Ipfi.

Namusi, inwi ni ri, "Ndi Mukriste."

¹⁴⁵ "Ni wela kha dinomineisheni ifhio?" Zwo luga, izwo a zwi na mushumo na Vhukriste.

¹⁴⁶ Zwo luga u vha na dzidinomineisheni. A thi lwi nazwo hezwo. Fhedzi, ni a vhona, izwo, izwo ndi zwine vhatu vha... Vhatu vhanzhi vha ri ndi kherukanya dzidinomineisheni, ndi a dzi raha. A thi ralo. Hai, mune wanga. Dinomineisheni, dzo luga. Izwo zwi tou fana na thendelano dza mushumo, kana tshiñwe tshithu tsho raloho. Fhedzi musi ni tshi ima, ngauri ni ri, "Ndi Mukriste ngauri ndi wela kha tshivhidzo *tshikene-tshikene*," izwo a zwi ambi tshithu. Ni tea u vha wa Kristo, huno Kristo ndi Ipfi. Huno zwifhinga zwinzhi idzo dinomineisheni dici kule na Ipfi vhunga Vhubvaðuvha vhu tshi bva Vhukovhela.

¹⁴⁷ Ni tea u dzula na ilo Ipfi, uri ni vhe Muselwa. Arali ni kha Muselwa, ni kha Ipfi, huno Ipfi li kha inwi. Huno Ipfi lo vhonisaho Mudzimu nga kha Kristo, li vhonadza Mudzimu muthihi nga inwi. Amen. *Amen* zwi amba "nga zwi vhe nga u ralo." Ngauralo, kha zwi vhe nga u ralo. Ndi tenda uri ndi Ngoho. Ni tea u taluswa Nae.

¹⁴⁸ Zwino, arali ndi tshi khou yo vha Muamerika wa vhukumakuma, arali ndi tshi khou yo vha mudzulapo wa ngoho wa ulu lushaka, Ndi tea u badekanywa nalo. Ndi tea u vha zwe the zwe a vhuya a vha zwone, zwo luga kana zwo khakheaho. Ndi tea u badekanywa nalo. Ndi tea u vha zwe the zwe a vhuya a vha zwone, zwo luga kana zwo khakheaho. Ndi tea u badekanywa na ulu lushaka, arali ndi tshi khou yo vha Muamerika. Naa izwo ndi zwone? Kha vhugala hawé kana ðoni dzawe, mbofholowo kana ðoni, tshiñwe na tshiñwe tshine a vha tshone, ndi fanela u vha mutti wa u sa fa hawé. Ndi fanela u ima sa nyoga. Tshiñwe na tshiñwe tshine a vha tshone, ndi tshone. Tshiñwe na tshiñwe tshe a vhuya a vha tshone, ndi tshone. Zwo the zwine tsha ðo vhuya tsha vha zwone, ndi tea u vha na mukovhe watsho. Izwo ndi zwone.

¹⁴⁹ Itonu zwi elekanya lwa miniti i si gathi. Zwenezwo, u vha izwo, sa Muamerika... Ndi ðo ni wanela yone, uri ni vhe na vhutanzi ha u i vhona, musi ndi tshi khou vala.

¹⁵⁰ U vha Muamerika, ndi tea u taluswa na tshiñwe na tshiñwe tshe a vhuya a ita. Zwenezwo, nda kavha kha Plymouth Rock, na—na vhokhotsi. Ndo vha ndi Plymouth Rock na Vhafhiri. Ndo

vha ndi henengei navho. Nda namela na Paul Revere, vhuñwe vhusiku, u tsivhudza ulu lushaka kha khombo dzalwo. Ndo do tea u vha nga u ralo, arali ndo vha ndi Muamerika.

Inwi ni ri, “Oo, Mukomana Branham!”

¹⁵¹ Imani lwa tshifhinganyana. Bivhili yo amba, kha Vhaheberu ndima ya vhu7, uri, “Levi we a ḥanganedza tshafumi, o badela tshafumi, ngauri o vha a khunduni dza Abrahamu musi a tshi ḥangana na Melkitsedeke,” makhulu-kuku-kuku wawe, huno zwa vhewa khae. Musi a vha muđulu-dulwna wawe o vha a khunduni dzawe, musi Abrahamu a tshi badela tsha fumi kha Melkitsedeke, Mudzimu o zwi vheya. Naa O zwi ita? Izwo ndi zwone.

¹⁵² Tshiñwe na tshiñwe tshine ulu lushaka lwa vha tshone, ndi tshone. Izwo ndi zwone. Ngauralo, ndo kavha kha Plymouth Rock. Ndo gada na Paul Revere.

¹⁵³ Ndo buđa Valley Forge, ndo vha ndi kha uyo mulambo wa ice na George Washington. Ndo vha ndi muñwe wa ayo maswole a Amerika we a vha a si na zwienda, u matsha a tshi lwa na British. Ndo vha ndi na milenzhe i rotholaho nga matsheloni ayo, musi ndi tshi ambadza milenzhe yanga. Ndo vhona Washington a tshi bva sogani, o ɻukala, u ya kha khundu dzawe, nga u rabela vhusiku hothe. Ndo vha ndi heneffo musi zwi tshi bvelela.

¹⁵⁴ Ndo ima na Stonewall Jackson, musi khanedzo yo vha i khulwane nga maanda. Musi mmbi dza devhula dzo rumelwa phasi heneffo, vha ri, “Mmbi dzothe dzo kwashekana murahu.”

Ha pfi, “Naa Jackson u ngafhi?”

¹⁵⁵ Ha pfi, “O ima vhunga luvhondo lwa tombo.” Nda ima nae heneffo; muthu mułuku, mułukułuku, wa mađo a buļuu.

¹⁵⁶ Vho mu vhuzzisa nga tshiñwe tshifhinga, “Naa ni nga ima hani ngeno khanedzo i khulwane nga maanda?”

¹⁵⁷ Muthu wa tshizwino, a raha butswu ḥawe, nga u ralo, ha pfi, “Na khathihi a thi dzhii tshinwiwa tsha madi mulomoni wanga, u swika ndi tshi livhuwa Mudzimu Ramaandaothe.” Ndo ima nae kha u tenda hawe. Nda ima na Stonewall Jackson. Ndi zwone.

¹⁵⁸ Ndo vha ndi ngei Boston Tea Party. Ndo thusa u posa iñwe ya idzo British Tea ngei lwanzheni. Ndo do tea u ralo, u vha Muamerika. Ee, muñe wanga. Ee, muñe wanga. Ndo saina Ḥanzielo ya Vhudilangi, na Thomas Jefferson. Ndo lidza Tsimbi ya Mbopholowo, nga ḥa Fulwana ḥa vhu4, 1776.

¹⁵⁹ Ndo bađekanywa kha ḥoni dzalo dza mvutshelano, musi mukomana o lwa na mukomana, huno khotsi a tshi lwa na murwa. Ndi tea u bađekanywa kha ḥoni dzalo, u fana na musi ndo ḫaluswa vhugalani hawe. Izwo ndi zwone kokotolo.

¹⁶⁰ Ndo vha ndi ngei Wake Island musi ayo maswole othe a tshi xeļewa nga matshilo avho. Nda vha vhona vha tshi zwi ita. Ndo

vha vhona musi vha tshi dzhiya Wake Island. Ndo thusa u imisa fulaga kha Guam. Zwa vhukuma.

¹⁶¹ Zwothe zwe a vha e zwone, na zwothe zwe a vhuya a ita, zwothe zwine a vha zwone zwino, ndi ri ndi tshipida tshawe, ngauri ndo takala u vha Muamerika. A ni ngo ralo?

¹⁶² U vha Mukriste, ndi tea u fana. Hałeluya! Ee, muñe wanga. Arali ndi Mukriste, zwenezwo ndo rera Mafhungo-madifha nahone nda tsivhudza khałhulo dzi no khou ḫa, na Noaxe. Ee, muñe wanga. Ndo vha ndi tshipida tshatsho murahu hangei, ngomu heneffo. Ndo vha ndi tshipida tsha ekonomi ya Mudzimu.

¹⁶³ Ndo vha ndi na Mushe tshiṭakani tshi dugaho. Ndo pandelwa Egipita na Mushe. Nda dzhia bufho ḥa soga, huno ndo vha ndi nae kha tshiṭaka tshi dugaho. Nda pfa ipfi Lawe. Nda vhona vhugala Hawe. Nda vhona Khavhu ya Mulilo murahu tshiṭakani heneffo murahu, i tshi khou amba na Mushe.

¹⁶⁴ Ndo vha ndi nae ngei Lwanzheni Lutswuku musi lu tshi vulea. Nda vhona Khavhu ya Mulilo i tshi dzula kha Thavha ya Sinai. Ndo ḥa mana sogani nahone nda ḥwa kha tombo ḥo rwiwaho. Hałeluya! (A thi khou pfa fułhanułhanu zwino.) Amen. Ee, muñe wanga. Ndi ḥa mana sogani, na vhana vha Vhahevheru murahu ngei sogani. Huno ndo nwa kha tombo lenelo lithihi ḥo rwiwaho.

¹⁶⁵ Ndo ima na Yoshua nga matsheloni ayo musi a tshi khou vhona mbondo dza Yeriko, huno a vhona Munna o ima. A kokodza banga lawe huno a gidima uri a ḥangane Nae. A ri, “Naa U washu. Naa U na swina ḥashu?”

¹⁶⁶ A ri, “Ndi nne Kapuṭeni wa mmbi ya Murena.” Ndo vhona Yoshua a tshi posa banga lawe mavuni. Nda gwadama na Yoshua musi ndi tshi kotama phanda Hawe, Mulangi wa Murena wa mayhuthu Awe. Ndo vhona mbondo dza Yeriko dzi tshi wela phasi, kha u lila ha phalaphala.

¹⁶⁷ Nda vhona Yoshua, a tshi ri, “Duvha, ima u dzike. Huno, ḥwedzi, ima ḥtha ha Ayaloni. U so ngo sudzuluwa.” Nda vhona ḥuvha ḥi tshi ima, huno ḥwedzi u sa kundelwe u ḥea tshedza tshawo. Ndo vhona izwo zwothe zwi tshi khou itea.

¹⁶⁸ Ndo vha ndi na Daniele bakoni ḥa dzindau; na vhana vha Vhahevheru ḥandoni ya mulilo.

¹⁶⁹ Ndo vha ndi na Eliya, ngei nnnda musi shango ḥothe lo mu furalela, na Ahaba na Vhojesebele vhothe vhe na mavhudzi avho o fhungudzelwaho na zwithu zwa ilo ḥuvha, pennde dzavho na mbaba, tshińwe na tshińwe tshire tsha vha na tshivhidzo. Ndo ima na Eliya, nda vhila mulaedza wo kunaho nahone wo kuna, kha Ipfi ḥa Mudzimu. Hałeluya! Ndo dzula nae kha Thavha ya Karamele musi o ima e ethe ngei nnnda. Nda mu vhona a tshi rabela mulilo wa tsa u tshi bva ḥadulu.

Ndo vha ndi na Dafita musi a tshi vhulaha Goliada. Vhugala kha Mudzimu!

¹⁷⁰ Zwo luga, arali ndi Mukriste, ndo ɬaluswa kha izwo zweþhe. Ndi tea u vha tshipiða tshazwo. Ee, muñe wanga.

Ndo porofita na Yesaya nga ɬuvha ɬawe.

¹⁷¹ Ndo vha ndi na Yohane ngei Yorodane musi a tshi vhona liivha li tshi tsela fhasi Khae. Nda ima na Yohane ngei Yorodane.

¹⁷² Ndo Mu vhona a tshi fhodza vhalwadze; a tshi vusa Lazaro; a alusela ñwananyana wa Yairo murahu vhutshiloni hafhu, nga murahu ha musi o fa. Ndo zwi vhona hezwo.

¹⁷³ Ndo baðekanywa Nae lufuni Lwawe. Ndo fa Nae musi A tshi fa ngei Khalívari, huno nda vuwa hafhu nga matsheloni a Paseka Nae, kha maanda a mvuwo Yawe. Ndi þanzi yazwo madekwana a ñamusi. Ndo fa Nae ngei Khalívari, nda vuwa Nae nga Paseka. Haleluya! U vha tshipiða Tshawe, ndi tea u baðekanywa Nae. Ndo baðekanywa Nae lufuni Lwawe. Ndo baðekanywa Nae kha u tambula Hawe. Ndo baðekanywa Nae musi dinomineisheni dzo Mu furalela. Ndo baðekanywa Nae musi vha tshi Mu pandela thembeleni, musi vho lingedza u posela, u Mu sunda. Ndo vha ndi Nae heneffo. Ndo vha ndi Nae lufuni Lwawe, ndo vuwa Nae kha mvuwo.

¹⁷⁴ Huno ndo vha ndi na vha ñana na fumbili musi vha tshi gonya ñha lufherani lwa ñha. Ee, muñe wanga. Ndo tanziela uyo muya u vhudzulaho wa maanda u bvaho Tadulu. Ndo amba nga dzindimi na vho doliswaho nga Duvha la Pentekoste. Haleluya! Ndo vha ndi heneffo ngauri ndo ɬaluswa Nae. Vhugala kha Mudzimu! Izwo ndi zwone. Ndo rera na Petro, kha Mishumo 2. Oo, ndo rera nae heneffo.

¹⁷⁵ Ndo rera na Paulo kha Muvhundu wa Mars, phanda ha musasaladzi. Ee, muñe wanga. Ndo do tea u ralo.

¹⁷⁶ Ndo vha ndi na Yohane ngei Tshitangadzimeni tsha Patimosi. Nda vhona bono la u Vhuya Hawe. Ndo ralo. Ndo—ndo vhona Luther. Ndo vha ndi nae musi ndi kha mbuyedzedzo.

Ndo vha ndi na Wesley.

¹⁷⁷ Huno zwino ndi fhano Yuma, Arizona. Haleluya! Ndo baðekanywa madekwana a ñamusi, hafha kha iyí Mothele ya Stalin, na tshigwada tsha vhathu vha no tenda zwenezwo zwithihi. "Huno zwino ro dzula roþhe fhethu ha Taðulu kha Kristo Yesu." Haleluya! Ndi khou þoda u Da Hawe vhugalani, liñwe la haya maðuvha. O ɬaluswa Nae!

A tshi tshila, O mpfuna; a tshi fa, O ntshidza;
A tshi vhulungwa, O ɬuwisa zwivhi zwanga
kule;

A tshi vuwa, O nnyita ndo lugaho nga mahala
 lwa tshothe:
 Liñwe ḫuvha U khou vhuya—Oo, ḫuvha ṥa
 vhugala!

¹⁷⁸ Zwino ndo badekanywa kha ndovhedzo ya Muya Mukhethwa; hu si tshinwe tshithu nnda hafha tshiṭaraṭani, tshinwe tshithu miñwaha ya fuinqa yo fhiraho. Ndi nayo zwino, vhugala na maanda a Mudzimu, a khangwelo ya zwivhi. Ndi a Mu vhona a tshi fhodza vhalwadze, a vula maṭo o pofulaho, nda Mu vhona a tshi amba zwithu zwi qahao, a vhala mbilu dza vhatu. Ndo badekanywa Nae mushumoni Wawe nga lino ḫuvha. Vhugala kha Mudzimu! Ndo badekanywa Nae, u itela phuluso kha lino ḫuvha ṥa u fhedzisela. Ndi fulufhela u vha tshipida tsha uyo Muselwa muhulwane a no khou ḫa nga liñwe ṥa aya mađuvha.

¹⁷⁹ A hu londwi zwine shango li nga amba, vha nga di ri vhidza “vhapengo, vhalwadze, kana Belesebulu, kana vhakheluwi,” tshinwe na tshinwe tshine vha ḫoda. Ndi kha di ḫoda u badekanywa na itsho tshigwada. Ndi kha di vha heneffo. Ndo dzula heneffo. Ndo bebwa heneffo. Ndi ḫoda u dzula heneffo. Tshifhinga tshothe ndi ḫo vha henengei, ngauri Mudzimu o mmbea heneffo. Nne ndo ralo. Nda ṭutshela tshividzo tshanga, u ḫa nda ḫitälusa na tshigwada tsha vhavhumbuluwi vhakhethwa. Ndi muñwe wavho. Ndo badekanywa navho.

Vha ri, “Billy, no xedza muhumbulo wañu.”

¹⁸⁰ Khamusi ndo ita, fhedzi ndo wana ḫalukanyo ya Kristo. Ndo wana Ipfi Lawe, nda wana Vhuhone Hawe, nda wana uri Ha shanduki mulovha, namusi, na lini na lini! . . . thi na ndavha zwine nnyi na nnyi a elekanya nga hazwo. Hoyu ndi nne. Ndi nne ane a teya u ita u badekanywa hanga nae. Ndo badekanywa Nae, nga Ipfi ṥa Mudzimu. A ri, “Hezwi zwiga zwi ḫo tevhela avho vhane vha tenda.” Ndo takala ngauri ndo ḫaluswa kha izwo. Ee, muñwe wanga.

¹⁸¹ Ni a ḫivha, mulangi wa kale wa vayolini, nga tshinwe tshifhinga, no pfa nganea, vho vha vhe na vayolini ya kale huno vha i rengisa, vho ḫoda u i rengisa, huno a hu na muthu we a vha a tshi ḫo i renga. Vha ri, “Ndi nnyi a no ḫo nea dolara? Naa ndi nnyi a no ḫo nea dolara na hafu?” Mafhedziseloni, “U ya luthihi, u ya luvhili, dolara na hafu.”

¹⁸² Mafhedziseloni mukalaha wa mmvi a bvelela u bva kha vharengi. Ni a ḫivha nganea. A i topola, a ri, “Irani ndi vhe nayo.” A vheya ḫalenyana khayo, huno a thoma u i lidza lwa tshifhinganyana. Vhathu vha thoma u lila. Miṭodzi ya thoma u elela zwifhaṭuwoni zwavho, nga ndila iyo.

¹⁸³ Huno musi vho ita, muvhambadzi a dovha a doba, a ri, “Ndi nnyi ane a ḫo ita nthihi,” ha pfi, “dolara dza tshigidi, zwigidi zwivhili, zwigidi zwiṭanu?”

¹⁸⁴ Phambano yo vha i mini? Ene mukoni, we a i ḋivha, we a i fhaṭa, o ḋivha uri hu bviswa hani zwe zwa vha zwi khayo.

¹⁸⁵ Huno samusi ri tshi lingeda u bvisa zwivhidzo zwashu kha dzindaela na dzidinomineisheni, a ri nga ḋo zwi ita na khathihi. Irani Mufhaṭi Makone wa muthu, We a ita muthu kha tshifanyiso Tshawe, Ane a khou Mu fhaṭela Muselwa u itela tshithu tshithihi, a tendela ḥale Dzawe dza Muya Mukhethwa dici tshi rwa ili Ipfi mbiluni yanu nga tshiñwe tshifhinga, huno i ḋo vha tsumbo yashu ya khwinesa. A hu londwi uri ni ya kha zwivhidzo zwingana, na uri ndi madzina mangana a re buguni, zwi do ita zwo engedzeaho kha Yesu Kristo u fhira zwivhidzo zwoṭhe, na dzidinomineisheni, na dzindaela, na zwivhidzo zwa shango, na madzangano, shangoni loṭhe.

¹⁸⁶ U khou ita Muselwa. Ee, muṇe wanga. U khou bvisa zwipiḍa zwino, a tshi khou tumula shango. Oo, u vha murado wa tshivhidzo, na dzindaela, na dzidinomineisheni, na dzidogima, zwoṭhe zwi tea u tumulelwa kule ha Tshivhidzo; mihibumbulo yavho ya fomaṭa, phambano dzavho, na pfunzo dzavho na zwithu. Vhuyani murahu huno ni tendele Muṇe a tshi topola tshilidzo. I ri ni Muṇe a ni takule zwandani Zwawe, a kwame Ipfi, a ri, “Yesu Kristo ha shanduki muļovha, ḥamus, na lini na lini.”

¹⁸⁷ Ni ri, “Amen, Murena. Nnyite, mmbumbe, nnyite, Murena, zwine nda tea u vha zwone.” Zwenezwo hu ḋo vha na tshithu tsho fhambanaho.

¹⁸⁸ Zwenezwo, “Arali nda takulelwa nṭha ha lifhasi, ndi ḋo kokodzela vhathu vhoṭhe kha Nne.” Ee, muṇe wanga.

¹⁸⁹ U khou ni tumula zwino, a tshi khou ni tumulela fhasi kha Ipfi ḥawé fhedzi, a tshi khou tumula dzindaela dzoṭhe na dzidogima na tshiñwe na tshiñwe, kule hanu, a tshi khou lingeda u vhuyeleta kha Muselwa wa Murwa, tshiñwe tshifanyiso tsho vuledzeaho, tshipiḍa tsha Ipfi. Ipfi.

¹⁹⁰ Yesu o vha a sa koni u dzhia vhuiamo. Ni a elelwa musi vha tshi vhalo ilo ḫuvha buguni? O tou vhalo tshipiḍa tsha vhuporofita, a sia tshwiñwe tshipiḍa u itela mađuvhani a fhedzisela. Riñe ri fanela u dzhiya itsho tshipiḍa.

¹⁹¹ Ngauralo, ni a vhona, O tumula, u ḥoda u bvisela nn̄da Tshivhidzo, vhunga O ita Murwa, vhunga O ita Muselwa na Muhwe. U vha Muselwa Wawe, ni fanela u vha tshipiḍa Tshawe. Hu si tshipiḍa tsha ndaela, hu si tshipiḍa tsha tshivhidzo, hu si tshipiḍa tsha dinomineisheni, fhedzi tshipiḍa Tshawe. O tumulelwa nn̄da ha luriwe lushaka lwa tshivhumbeo, a nga si shume. Ni tea u tumulwa u bva kha Ipfi. Lone shango lo tumulwa u bva kha inwi, huno itanu litsha Ipfi fhedzi li tshire kha inwi.

¹⁹² Muvhadi muhulwane o ḫitika nga inwi, ni tshi funa u ima na vhumbiwa kha tshifanyiso tsha ḥođea Dzawe dzine Ipfi ḥawé ḥoda. “Mađuvhani a u fhedzisela Ndi ḋo shululela Muya Wanga

kha ɳama yothe. Vharwa vhanu na vhananyana vha do porofita.” Kristo ndi Tshifanyiso tsho vuledzeaho tsha Ipfi tsho itwaho ɳama. Inwi ni humbelwa u dijalusa Khae, nga lenelo Ipfi lithihi, u vha tshifanyiso tsho vuledzeaho tsha Muselwa.

¹⁹³ Zwino, vhakoma, Mudzimu o vha e na tshifanyiso tsho vuledzeaho tshifhingani itscho, u ɳekedza kha shango, zwino U ṭoda tshifanyiso tsho vuledzeaho ɳamusi. Naa ni a funa? Naa no luga, khonani yanga ya Mukriste? Naa ni na vhuṭanzi uri vhutshilo hanu vhu khou vhonisa nga maanda kha Kristo, hu sa londwi zwiné shango la amba. Vha ri, “No xedza muhumbulo wanu. Ni vho penga. No ya na dzhoina tshigwada tsha vhavhumbuluwi-vhakhethwa.” Ni songo zwi thetshelesa hezwo.

¹⁹⁴ Arali ni songo tshidzwa nga ngoho zwa vhukuma, na kha uyo Muvhili, na Ipfi la Mudzimu ngomu hanu huno li tshi Divhonisa, huno Vhutshilo ha Kristo vhu tshi khou vhonisa kha inwi; mukomana, khaladzi, ni songo dzhia itscho tshikhala. A thi na ndavha uri ni mini, uri ni na tshenzhemo tsha hani, litshani ilo Ipfi li vhonadze nga inwi duvha linwe na linwe, ngauri Mudzimu, kha ano mađuvha a u fhedza, u khou dzhiya Muselwa u itela Murwa Wawe, Yesu Kristo.

Kha ri kotamise zwifhaṭuwo zwashu.

¹⁹⁵ Khotsi wa Ṭadulu a funeaho, ndila ya vhubvo kha tshigwada tsha vhathe vho talifhaho. Pfunzo yanga i a edana-... u sa edana, Murena. Ndi rabela uri Muya Mukhethwa muhulwane u do nweledza aya maipfi ngomu mbiluni dza vhathe, uri vha do vhone zwe nda amba, arali vho kundelwa u pfectesa nga ndila yanga ya u bvisa zwithu, Murena. Fhedzi, mbiluni yanga, ndi—ndi vhone zwine Wa vha zwone—zwine Wa khou lingedza u ita.

¹⁹⁶ Ndi a tenda, Khotsi, Muselwa u fanela u vha tshipida tsha Muhwe. U tea u fana na Muhwe, ngauri ndi tshipida Tshawe. Na khathihi a nga si, na khathihi a nga si vhe Muselwa Wawe u swika a tshi vha tshipida Tshawe. Huno itscho ndi tshipida tsha Ipfi, ɳamusi, tshi no ri Ha shanduki mulovha, ɳamusi, na lini na lini.

¹⁹⁷ Thoro ya goroi ye ya vhubya ya tshila lifhasini, huno ya wela mavuni, a takuwa kha tshivhumbeo tsha thoro ye ya wela mavuni. Huno, Murena, nga Duvha la Pentekoste ha da Tshivhidzo tshihulwane. Ha da inwe thoro ya goroi, u itwa Muhwe na Muselwa wa duvha la u fhedzisela.

¹⁹⁸ Ro wana, yo wela ngomu, u itela Ene, lwa miñwaha ya tshigidi. U bva kha khoro ya Nicaea, lo vha li tshi sinela mavuni.

¹⁹⁹ Vhasasaladzi vho ñwala bugu, *Mudzimu O Fhumulaho*, “Ane a do tendela vhana vhaṭuku u fa, huno vha vhulawa nga dzindau, nahone vha swa. Vhone maswole vha vhulaya Vhakriste, huno vha vha fhisa kha mililo.” Arali uyo munna o vha e na pfectesa ya tshimuya fhedzi!

²⁰⁰ Iyo goroi i tea u sina mavuni, fhedzi yo mela hafhu, hu si nga tshifanyiso tshe ya tsela phasi ngomu. Lo tsela phasi nga tshifanyiso tsha thoro ya goroi, fhedzi, musi i tshi bvelela, yo vha i na luñwe luñanga, u fana na goroi i ne ya rungunya.

²⁰¹ Mafhedziselon i ya aluwa, u bva kha Luther u ya kha Zwingli, na u tsa phasi, huno mafhedziselon i ha da malelevudzi. Yo dishandukisa maduvhani a Wesley. Zwo vhonala tshothe sa goroi, zwinzhi nga maanda u fhira luñanga lwo ita. I khou vhuya murahu kha yone iné hafhu.

²⁰² Zwenezwo ri wanulusa, zwi da n̄tha, yone thoro, i vhonala tshothe sa ya vhukuma. Huno arali ni tshi do tou tsela phasi huno na kokodzela ganda murahu, ni do wanulusa. Iyo thoro ya u thoma ya goroi a i na thoro ngomu hayo, na luthihi. Ndi ganda, ḥari. Murena, mvuseledzo khulwane ya Pentekoste ye ya bvelela, zwo do tea u vha nga iyo ndila, Murena, u tsireledza Goroi musi i tshi da. Ho vha hu si na fhethu Hayo ha u ya.

²⁰³ Zwino, Khotsi, ri a zwi ȳivha uri ri dzhia zwithu zweþe nga mupo, ngauri Wo vhumba mupo. Wo rengulula lifhasi: nga ndila ye Wa li lovchedza, maduvha a Noaxe, nga murahu ha u rera hawe; No wisa Malofha a Murwa kha lifhasi, u li ḥanzwa u itela Iwe muñe; huno kha tshikhathi tshihulwane tshi no khou da, kha u vusuludzwa, U khou ya u li fhisa nga mulilo, u fhisa zwithu zweþe zwa shango. Vhunga Ú tshi ita Mukriste, U ya mutshidza: wa mu lovchedza; wa mu khethefhadza; zwenezwo zwa kunakisa shango u bva khae, huno wa Mu vhila zwenezwo sa wau, nga u vheya Muya Mukhethwa khae.

²⁰⁴ Ri a zwi ȳivha uri iyi goroi yo da nga kuitele kwo raloho. Mupo muñwe na muñwe u shuma nga ndila i fanaho. Zwino, Murena, musi ri tshi vhone ganda zwino li tshi ḥutshela kule ha Thoro, li tshi khou ya shangoni, O Mudzimu, tendela uri uvho idzo thoro dzi do . . . Ga—ganda li tea u ḥutshela kule, uri thoro i kone u dzhena Vhuhoneni ha Murwa. Ndi pfa u da ha tshikaní, Murena. A hu nga vhi tshifhinga tshilapfu. Huno zwenezwo mutshini muhulwane u do dzhia Muselwa Wawe a mu isa vhugalani, Vhuhoneni ha Mudzimu.

²⁰⁵ Ndi a rabela, Khotsi, uri U fhatutshedze muñwe na muñwe washu. Kha ri elelwe, Murena, uri itshi ndi tshikhala tshashu. Ri nga kundelwa u vha na tshiñwe matshelo. Namusi ndi tshikhala tshashu. “Namusi, nga murahu ha tshifhinga tshilapfu, musi ni tshi pfa Ipfi Lawe, ni songo rindidza mbilu yanu.” Murena Mudzimu, a thi ȳivhi avha vhatu. Arali hu na muñwe hafha, mupfufhi wa hezwi, tendela madekwana a namusi uri vha do ḥanganedza u khunyelela ha Mudzimu, huno vha dadzwa nga Muya Mukhethwa. Zwi tendele, Khotsi.

²⁰⁶ Zwino zwifhañuwo zwashu zwo kotama, mbilu dzashu dzo kotama, na dzone-vho. Dzikhonani, ni mpfarele ndila iné nda bvisa mulaedza wanga. Ndi—ndi rabela uri Mudzimu u do tou

ni sumbedza zwe nda vha ndi tshi khou amba. Zwino, arali... a thi ṭodi muňwe muthu a tshi sedza. Itonu dzula no kotamisa tshifhaṭuwo tshanu. A thi ralo. Ni nga vha nnyi kana nnyi, arali ni si na vhutanzu uri vhutshilo hanu...

²⁰⁷ Zwino, ni a vhona, tshiňwe na tshiňwe tsha ayo maitele, naa vho itani? Vho dzhena kha dzangano. Naa Wo vha u tshi do itani? Muya wo ṭutshela, kha muňwe. Zwenezwo Luther a tshi tou dzudzanya; Wa ya heneffo ngomu ha Wesley. Wesley a dzudzanya; Zwa pfukela phanda kha Pentekoste. Pentekoste ya dzudzanya; naa Zwi khou ya gai? U tou fana na Khavhu ya Mulilo, zwi dzulela u bvela phanda.

²⁰⁸ Huno vhaňwe vhatu, vha ri, “Ndi Mupertekostała.” Izwo ndi zwavhudi. “Ndi Mułutere.” Izwo two luga. A hu na tshithu tshi hanedzanaho na hezwo.

²⁰⁹ Fhedzi, khonani, khonani, Goroi i kha di bvela phanda. Ro no vha na dziňwe mvuseledzo khulwanesa. Yo—yo vha hone lwa tshifhinga tshilapfu. Divhazwakale i sumbedza uri mvuseledzo i fhedzi fhedzi miňwaha miraru. Iyi yo vha miňwaha ya fumiňhanu, kana yo engedzeaho, khunguwedzo khulwane dza phodzo, fhedzi i a rotholelwa zwino. Lavhelesani! Mvuseledzo inwe na inwe i bveledza tshiimiswa murahu hazwo. Ndi ngani izwi zwi so ngo ralo? Hu na tshigwada tshituku tsha vhakomana tsho thomiwaho, nthu hafha huňwe fhethu, tshi no vhidzwa Mvula ya Mibvumbi, a vho ngo ya huňwe fhethu; zwa wela nga heneffo. Ndi ngani? Ndi tshikhathi tsha Goroi, khonani. Ndi Goroi. Hu na vhushumeli kha lifhasi vhune ha tou fana na uvho he ha ya mavuni murahu ngei mathomoni, tshenzhemo tsha vhukuma tsha pentekostała.

²¹⁰ Zwiwhidzo zwi khou dzudzanya. Huno muňwe u khou lingedza u fhaṭa khulu kha muňwe, huno a wana mirado minzhi na zwithu, madzangano, nga zwitšuku. Ri a zwi vhona. Ndi mupertekostała. Ri a zwi vhona zwi tshi ṭutshela kule. Fhedzi mini? Zwi tea u ita izwo, uri ene—ene Murwa a kone u ya kha Thoro. Arali ho vha hu songo vha heneffo, tsha u thoma, arali ho vha hu si na ganda u mona natsho, ho vha hu si na fhethu ha u ya. Mudzimu o i ita ganda, ni a vhona, vhunga thoro, vhunga goroi, vhunga tshiňwe tshithu-vho tshi no bva kha ganda. Zwino, ni a vhona, a hu na liňwe dzangano li no do thoma nga murahu ha hezwi. Ndi ngani? A hu tshe na tshifhinga tsha liňwe. Ri vhufheloni.

²¹¹ Huno arali ni si ho kokotolo hune na tea u vha hone, huno ni do ri, “Mukomana Branham, arali Mudzimu a pfa thabelo yanu ya vhalwadze, huno ndo pfa zwe Murena a ita u fhindula thabelo...” Huno no pfa nga ha vhaňwe vhatu shangoni ḥamusi, vha tshi khou rabela. Ni ri, “Ndi... Naa u do nthabelela, uri ndi ṭanganedze iyo tshenzhemo, Mukomana Branham? Ndi nga di si tsha ni vhona na khathihhi hafhu.” Zwi nga di itea nda

sa ni vhone na khathihi. “Fhedzi rabelani uri ndi vhe heneffho. A thi pfi u tou fana na musi ndi tshi do vha henengei zwino. Fhedzi ndi do takalela inwi ni tshi nthabelela, uri ndi vhe nga u ralo.”

²¹² Zwino, Ძhoho iñwe na iñwe yo kotama. Imisani tshanda tshanu, naa ni do ralo? Murena a ni fhañutshedze, a ni fhañutshedze, na inwi. Mudzimu a ni fhañutshedze. Kha itshi tshigwada tsha vhathu, ndi a humbulela, fuhanu, khamusi, kana zwanda zwa fusumbethanu zwo vha zwi n̄tha.

²¹³ Zwino, Yesu a funeaho, U muhañuli. Ri tou vha vhashumeli. Ndi a rabela, Mudzimu a funeaho. Huno—huno arali nda wana tshilidzi mañoni Au, fhindula thabelo yanga. No vhon a tshanda tshinwe na tshinwe tsho ya n̄tha. Ni a ñivha zwe zwa vha zwi mbiluni dzavho. Ri tenda uri vho telwa kha Vhutshilo. Huno Sathane, u tou fana na maduvhani a Adamu, u khou lingedza u thivhela itsyo tshifanyiso tsho vuledzeaho kha u ña. Ngavhe i tshi imiswa madekwana a ñamusi. Ngavhe Malofha a Yesu Kristo a tshi zwi thivhela, huno ngavhe vha tshi ña sa tshifanyiso tsho vuledzeaho kha Mudzimu. Zwi tendele, Khotsi.

²¹⁴ Ngavhe vha tshi taluswa kha Iphi la Kristo. A ri, “Nndani ha musi muthu a tshi bebwahafhu . . .” Ngavhe vha tshi ñanganedza iyo tshenzhemo yo bebwahafhu. Ngavhe vha tshi ñanganedza ndovhedzo ya Muya Mukhethwa, u vusuludzwa ha zwithu zweþhe zwa shango. A vha tsha zwi Ძoda, Murena. Kunakisani ilo shango kule navho, huno ni vha bvise sa tshifanyiso tsho vuledzeaho phanda ha vhathu. Zwi tendele, Murena, uri U takale kha tshino tshikhathi tsha tshifhinga tsha ngade maduvhani a u fhedzisela hafha, u ñekedza tshifanyiso tsho vuledzeaho Tshau tsha avha vhanna na vhasadzi, vhatukana na vhasidzana, vhe vha fara tshanda tshavho. Zwi tendele, Murena.

²¹⁵ Fhañutshedza iyi mvuseledzo i khou bvela phanda doroboni. O Mudzimu, ndi rabela uri munna muñwe na muñwe na musadzi, a re tsini, u do dalela iyo mvuseledzo. Huno ngavhe muñwe na muñwe wavho a tshi qadzwa nga Muya Mukhethwa, huno ngavhe hu tshi vha na mvuseledzo ya fesheni ya kale i swielaho nga kha iyi dorobo Ძhukhu hafha, u swika vhathu huñwe na huñwe vha tshi ña. Zwi tendele, Murena. Ri ñee izwi zwithu, Khotsi, ngauri ri a vha humbela nga Dzina la Yesu. Amen.

²¹⁶ Ndi a Mu funa. Ndi a Mu funa. Naa ni a Mu funa? Ni a ñivha, Paulo o ri, “Arali nda imba, ndi imba Muyani.” Ndi a ñivhudzisa. Ndi kule na u vha muimbi. Fhedzi ndi tou ñivhudzisa, roþhe, arali ri sa koni u thoma kha ulwo luimbo, *Ndi A Mu Funa*. Naa ni do ralo u ri neya khiyi, khaladzi? “Ngauri O funa nñe u thoma.” No zwi pfa. Ndi vhangana vho no zwi ñivha? Kha ri vhone yanu . . . Ndi luñwe lwa nyimbo dzanga dla kale. Ndi a funa u lu imba. Zwo luga.

²¹⁷ Zwino kha ri kotamise zwifhañuwo zwashu huno ri vale maþo ashu, huno ri imbe zwino, *Ndi A Mu Funa*.

Ndi a Mu funa, ndi a Mu funa
 Ngauri O funa nne u thoma
 Huno o renga tshidzo yanga
 Murini wa Khalivari.

²¹⁸ Kha ri lu nūnūne. Liñwe ḫuvha misengavhadzimu i do swiela lutombo. Hu do vha na mubvumo wa phalaphala. Vhafu kha Kristo vha do ḫa. Oo, ri do Li ḫoda hani-ha!

Huno o renga tshidzo yanga
 Kha Khalivari.

²¹⁹ Heneffo ndi he A vha Tshifanyiso tsho vuledzeaho tshashu.

²²⁰ Itonu elelwa, zwifanyiso zweṭhe zwe vuledzeaho, zwi sa athu vhuya zwa vhewa holoni ya bvumo, vha tea u fhira nga kha holo dzavho dza vhasasalandzi, u thoma. Vhagodi vha tea u vhona arali vha tshi nga zwi sasalandza. Fhedzi musi zwi tshi imela tsatsalandzo, zwenezwo zwi isiwa holoni ya bvumo. Murwa wa Mudzimu o fhira nga kha vhasasalandzi vha dzangano liñwe na liñwe, dinomineisheni, na u swika Pilato a tshi ri, “A thi wani mulandu khae.” Yudasi a ri, “Ndo fhet̄a Malofha a si na mulandu.”

²²¹ Zwenezwo Mudzimu a Mu vusa, huno O nembelela holoni khulwane ya bvumo namusi, kha tshanḍa tsha u la tsha Mudzimu, a tshi rabelēla. Naa a ni ḫodi u vha murado Nae heneffo? Naa a ni ḫodi u vha tshipida tsha izwo? Ni nga ralo. No rambiwa u vha nga u ralo. Musi ri tshi khou imba holwu luiimbo, ndi ngani ni sa tou zwi amba Nae zwino.

... funa nne u thoma
 Huno o reṅga tshidzo yanga
 Murini wa Khalivari.

²²² Musi ri tshi lu imba hafhu, ndi ḫoda ni tshi khađana na muñwe a re ṫafulanani i bvaho kha inwi zwino. Ni ri, “Mudzimu a ni fhaṭutshedze, khonani ya Mukriste. Mudzimu a ni fhaṭutshedze. Nthabeleleni.” Muñwe na muñwe wañu kha ite izwo zwino, musi ri tshi imba ulu hafhu.

Ndi a funa... (Nthabeleleni. Nthabeleleni.) . . .
 Mu funa
 Ngauri O . . .

²²³ Izwo ndi zwone, khađanani, ni ri, “Nthabeleleni.” Vhoinwi noṭhe nthabeleleni. Ndi ḫodou vha henengei, nga maanda.

Huno o reṅga tshidzo yanga
 Murini wa Khalivari.

²²⁴ Zwino kha ri kotamise zwifhaṭuwo zwashu huno ri vale maṭo ashu, huno ri imise zwanda zwashu nahone ri Mu imbele lwone zwino.

Ndi . . . (O Mudzimu!) ndi a Mu funa
 Ngauri O funa nne u thoma
 Huno o renga tshidzo yanga
 Kha Khalivari.

Sedzani Tshifanyiso tsho vuledzeaho tshañu tsho nembelela heneffo.

²²⁵ Muvhađi Muhulwane, ene Mudzimu muhulwane We a ita muthu, huno a mu vhumba kha tshifanyiso Tshawe ene muñe, Ndi a U rabela, Murena, uri U ðo ri dzhia madekwana a ñamusi. Ngavhe uvhu vhu tshi vha vhusiku ha tshihumbudzo, tshihumbudzo tsha vhukuma kha rine, uri, madekwana a ñamusi, Murena, madekwana a ñamusi, heneffha kha Stardust Motel, ngavhe U tshi vhumba vhabanna ngomu ha tshifanyiso tsha vharwa vha Mudzimu. Zwi tendele, Murena. Muvhađi muhulwane, Iwe u Woþhe ane a nga zwi ita. Dzhia Ipfi Láu, Murena, Li vhumble heneffo ngomu mbiluni dzashu roþhe, uri ri kone u vha zwifanyiso zwo vuledzeaho Zwau maduvhansi a u fhedzisela, huno ra vhidzwa Muselwa wa Kristo. Vhanwe vhabanna vha nga vhabona uri hu na vhukuma ho raloho na dakalo lo raloho li no khou tshirela Ene.

²²⁶ Murena, lino dufva, uri na zwivhidzo zwashu, zwi khou xedza vhungoho hazwo. A vha . . . Hu vhonala u nga hu na, zweþhe zwo þuwa kha Hollywood, Murena, ho itea mini? Vho ya kha—kha u penya madzuloni a u naka. Ri a zwi ðivha uri shango li penya nga maitele a shango. Fhedzi Mafhundo-madifha a vhangama nga lufuno na kha Kristo. Tendela, Murena, uri ri ðo tutshela kule na u penya ha shango, huno ra dzhena kha u vhenga ha Kristo.

²²⁷ Ndi vhone Vhau, Murena. Wo vha renga. Iwe . . . Vho imisa tshanda tshavho, madekwana a ñamusi, vho ðoda u ralo. Zwino, Khotsi, ndi . . . Arali ndi tshi nga kona, ndi ðo vha ita hezwo, fhedzi a thi koni. Fhedzi ndi khou fulufhela Iwe. Wo ri, “Uyo ane a ða kha Nñe A thi nga mu pandeli. Uyo ane a pfa Ipfi Langa nahone a tenda kha Uyo we a Nthuma, u na Vhutshilo ha limi na lini, huno ha nga ði Khaþuloni,” hu si u tenda lwa muhoyo zwino, Murena, fhedzi u tenda, “o fhira u bva lufuni u ya kha Vhutshilo.” Zwi tendele, Khotsi. Ndi Vhau, nga kha Dzina ja Yesu Kristo. Amen.

²²⁸ Ni a Mu funa? Naa Ha mangadzi?

²²⁹ Ri fheni tshuni þukhu, kana khodo heneffo, khaladzi, Wavhuði, Wavhuði.

Ni a takalela u imba? Naa ndi khou dzhia tshifhinga tshilapfu?

²³⁰ Ndi takalela u luvha. A ni ralo? Mulaedza muþuku, u tsheaho nga iyi ndila, a thi . . . Ni a ðivha, ndi vhenga u u tumula. Fhedzi, inwi, ni tea u ombelesa tshipikiri, u tshi ita uri tshi farelele. Ni a

divha zwine nda khou amba. Iina. Ni tea u zwi ombedzela zwino. Huno ni a vhona?

²³¹ Ni a funa ulwo luimbo? “A mangadzaho, a mangadzaho, ndi Yesu kha nne.” Ni a zwi divha izwo?

A mangadzaho, a mangadzaho, ndi Yesu kha nne,
 Muéletshedzi, Mukololo wa Mulalo, Mudzimu wa Maanda ndi Ene;
 U tshidza nne, a ntsireledza kha zwivhi zweθhe na zwi shonisaho,
 Mueletshedzi, Mukololo wa Mulalo, Mudzimu wa Maanda ndi Ene!
 Ndo vha ndo xela, zwino ndo wanala, ndo vhofholowa kha khaθhulo,
 Yesu u neya mbofhollowa na u tshidzwa ho fhelelaho;
 U tshidza nne, a ntsireledza kha zwivhi zweθhe na zwi shonisaho,
 Mueletshedzi, Mukololo wa Mulalo, Mudzimu wa Maanda ndi Ene!

Muñwe na muñwe!

A mangadzaho, a mangadzaho, ndi Yesu kha nne,
 Muéletshedzi, Mukololo wa Mulalo, Mudzimu wa Maanda ndi Ene;
 U tshidza nne, a ntsireledza kha zwivhi zweθhe na zwi shonisaho,
 Mueletshedzi, Mukololo wa Mulalo, Mudzimu wa Maanda ndi Ene!

²³² Zwino kha ri ri, “Rendani Murena!” “Rendani Murena!” Naa a ni pfi no huθiwa? Ni pfa ni wavhuθi? U luvha Murena. U a mangadza.

²³³ Mudzimu a ni fhaθutshedze u swika ndi tshi ṭangana hafhu. Ndi do humisela tshumelo zwino kha murathu, phuresidente. 

*TSHO TALUSWAHO TSHIFANYISO TSHO
VULEDZEAHO TSHA MUDZIMU TSV64-1205*
(The Identified Masterpiece Of God)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Mugivhela, Nyendavhusiku 5, 1964, u itela Vhučama Ha Vhanna Vha Bindu Vha Mafhungo-mađifha O Fhelelaho kha zwiliwa zwa Dzitshaka ngei Stardust Motel fhaļa Yuma, Arizona, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ṭhalutshedzo ya Tshivenda yo gandiswa huno ya phađaladzwa nga vha Voice Of God Recordings.

TSHIVENDA

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org